

地  
67  
812

郡國利病書

陝西



卷六十二至六十四

郡國利病書卷之六十二

萬曆二十七年李汶疏



看得松山既空故疆已復其經理善後最為喫緊而善  
後云者非築邊建堡設官屯兵其道無由也今會官踏  
勘松山東西一帶延長四百餘里堪修長邊一道河東  
自永安索橋至小松山獲墩分界共一百八十里河西  
自泗水土門至小松山獲墩分界共二百二十里在河  
東則芦塘川應設叅將一員兵馬二千名築城一座芦  
溝口以西紅水河應設守備一員兵馬五百名築堡一  
座芦塘湖設防守一員兵馬一百名築堡一座在河西



君國本邦書 卷六十二  
則扒沙營應設寨將一員兵馬二千名幫築舊城一座  
阿琪嶺應設守備一員兵馬五百名築堡一座裴家營  
土門兒各設防守一員兵馬一百名築堡各一座屯戍  
協守相為教授等因照得自 明初驅胡虜子于三受  
降城外則河套賀蘭尚且無虜松山故自寧區即成化  
初虜擾河套雖或不無西訖然去住有時松山亦非甌  
脫惟是隆萬間款市一起招致賓酋等盤窟其中莊浪  
從此遂成一線而蘭靖莊涼則無憂無時不荼毒且偽  
造妖書紅旗傳播胡主起于草地以搖遠近雖屢入屢  
挫窺犯猶昔幸今恢復亟宜修守查得自涼之泗水以

至靖之索橋橫亘不過四百里許乃舊自永安歷皋蘭  
渡河逾莊涼以至涼則一千五百里捨此四百里不守  
而欲守一千五百里之邊果孰難而孰易修此四百里  
之邊牆又何難而何阻勘得自鎮番以至中衛烽堠相  
望迄今舊址猶存其修邊也雖主于築塼然遇沙鹵則  
挑壕遇崖絕則削塹取其足以遏奔軼斯已也工俱自  
今春三月起至冬十一月止為便

吳姓按奏疏

延慶近邊苦寒民多穴處昔人于山峪要險處設立堡寨以禦虜寇今其基址依然臣在延慶日久習知其俗嘗勸喻父老山寨可以避虜詎不可以避盜凡數家之村露處之氓皆當聚處山寨：有城有井有窯大者容千人小者亦容數百人據險固守有一夫當關之勢若廣蓄糧粟多備火器無不守者



延綏鎮

河東劉敏寬曰按榆塞古朔方地河流自西而東由寧夏橫城折而北謂之出套北折而東復折而南由黃甫川入葭州界謂之入套紆迴二十餘里環抱河南之地謂之河套自古郡縣綉錯其中明初即唐受降城故地營東勝跨河北以衛套中我人登城一望則平沙漠漠無林阻見百十里而遙匹馬一人不能隱蔽輒望城引去遂遠居沙漠河限之而套為內地時侯冰河乃乘間入犯我所防者秋冬耳春夏得以其餘力田套中脩城守其注來侵邊惟遼東宣大寧夏甘肅莊浪一帶頻



茹其毒而延慶無患者河套蔽之也迨東勝不守外險既失彼始渡河無所忌矣先是鎮兵駐綏德苦于遙制遇敵入犯比出兵每不及而返其後都御史余子俊撫延綏相度形勢東至清水之紫城西至寧夏之蒼馬池築邊牆二千里增置營堡創榆林衛移綏德重兵鎮于此清釐陝人有伍籍詭落及罪謫者徙寔之擇其才子弟為建學立師教之又開界石外地與屯田歲得糧教萬石事皆創始而經畫煥然自是榆為雄鎮弘治中朝廷清明河曲無患然東勝終已不復法久不復玩邊牆日頹薄不治而亂加斯蘭每歲八月自河西入套中圍

獵春出剽宣大以為常七年火篩寇固原詔起都御史楊一清總制三邊于是始復申搜復東勝之議而卒不果行孝宗之後廷瑾專政以修邊過費而邊備日弛嘉靖中總督侍郎曾先上復河套議而終梗之又前之言套可搜者非一人而王越行之有明效使當時力主之何至有後患哉

中路論曰榆林城在長樂保寧之中文武開府其間五營重兵彪騰虎踞且左山右水固天設之岩疆全鎮之上游也保寧波羅相去八十里中雖有響水一堡去邊七十里奮恃無定河為限所慮者水堅之時耳今河水



淺不足恃宜于保寧波羅之間添置一堡移響水之兵守之懷遠威武清平邊垣雖臨險阻高峰峻坂似若可據然衝口寔多川面平行如西川小理河汊填鼠為首衝若或大舉南馳則安定自落臥牛諸城悉被其毒矣且東起長樂西抵波羅沿邊積沙高與墻等時雖鐘削旋壅如故蓋人力之不敵風力也保寧昔稱水澤之區年來瀦水漸涸馬無所飲倘保寧日就凋疲則歸德之餉道可虞是今之首當加意綢繆也然猶有隱憂焉保寧長樂寔扼歸德魚河大川之衝雕陰上郡在之可慮今雖設有中協副將一員可以聯屬一路但兵不滿二

千馬止數百苟且支吾以幸無事豈完策哉

東路論曰榆林東路黃甫川堡與晉之岢嵐樓子營僅一河之隔迤西至雙山一十二城岡阜交錯深塹高崖蜿蜒四五百里東南逼臨大河故東路之利在險也雖間有竊掠而大舉深入則昔多未有然秋則慮入雙山之大川南近米脂為鼠衝冬則慮黃甫之河水一馬可渡隨時設備其容緩乎且容近葭州府谷神木吳堡諸邑軍民集居收保為難為東路計者當以捍禦責之將領收斂之有司庶壁可堅而野可清矣

西路論曰延鎮西隣寧夏與花馬池接壤者定邊之鹽



郡國利病書 卷之十一  
場堡也定邊轉而東為砦井龍川十五營堡皆依山臨  
塹倚險可守然寧塞柳樹澗平川錯集為延安之門戶  
居常小窳秋高大舉較之鎮靖、邊猶為要害柳樹澗  
迤西則塲野平原無險可據新安邊新吳石旁三山諸  
堡設在腹裡議者欲分其軍丁添貼守瞭未必非補偏  
之一策也砦井去定邊五十餘里而遙欲于瓦剎梁增  
設一堡如鎮羅堡故事以便接應或以兵糧無措竟同  
築舍奈之何哉定邊西郭之外南北二沙鼠為邊患除  
之復聚徒煩畚鍤之勞不若增築磚墩之為因地制宜  
哉

延安屯田議

屯田之制寔始金城相其臨戎廣野使戍卒耕種其間  
以十一二輸官十八九自贍歷代行之法良意美明太  
祖屯田徧天下九邊為多而九邊屯田又以西北為最  
其懇田之令以邊方間田許軍民開種永不起科開屯  
之例軍以十分為率以七分守城三分屯種有額內額  
外之殊然法久弊生瘠田荒撫不治腴田為強豪兼并  
或官校侵奪洎沒混亂徒有其名此體國經野者所盱  
衡而歎也今延安綏德宜君等處各設兵防人不下數  
千大亂之後間由額廣誠大修屯政為任責成諭令所



在地方有司并鎮守將官一心規畫設給牛種每軍一人量給間田若干務有餘裕則軍為樂業措置已定請旨永著為令內省帑運外省民輸期年之間將變荒磧為豐壤易徙而流康樂足食足兵未有善于此者經界在田開列在籍非高遠難行之事非幽隱難察之情特在以寔心寔任之耳至此地方水泉可引為灌溉者今有司相度高下經營蓄洩有成功者特與荐剡尤所為富國之計一日之勞百世之利也

皇明置都指揮使司以領衛所置總兵叅將遊擊守備以司攻守又理以憲臣監以御史撫以都憲統以總制各衛所官軍分番教閱置屯遣戍要在三邊四鎮延綏寧夏甘肅之地其內地鄉兵則各州縣巡捕之官歲時教閱以護守城池備遏盜賊者也

陝西都司領衛二十五守禦千戶所四

西安左衛

西安前衛

西安後衛

延安衛

堡十五 盤九十七 神木 果堡五墩八十三





寧夏後衛堡三十一廣武營堡一武營堡一整二十六

鳳翔守禦千戶所

金州守禦千戶所

靈州守禦千戶所

文縣守禦千戶所

行都司領衛十二守禦千戶所三

甘衛左衛

甘州右衛

甘州中衛

甘州前衛

甘州後衛堡十六整九十五

甘州群牧所堡三整十

肅州衛營五堡三十三整六十三

西寧衛堡五整二十六

莊浪衛堡八營五寨七整五十七

鎮番衛堡四十三整九

永昌衛堡九十三營七整九十一

山丹衛堡六十六整五

涼州衛堡六二營七寨十整八十六

高臺守禦千戶所堡四十三整三十四

鎮今守禦千戶所堡十三暨

古浪守禦千戶所堡八墩

白馬城堡凡六

固原鎮 弘治十四年大節由蒼馬池寇平鳳臨鞏兵部

月至九月巡撫陝西都御史駐劄于此弘治十八年

制建議暫移陝西鎮守總兵于鎮操練防禦兵備遊擊

及守備亦駐于此固原守備所地方自下馬關至西

安州蘭靖參將分于此靖虜守備地方自乾鹽池平至

淮堡蘭州千總官所守地方自條城至積灘堡其分守

參將駐劄于蘭州城守備官則駐劄于靖虜衛洮岷河

官守備岷州衛劄劄邊備及守備撫治番夸河州衛亦駐

榆林鎮 都史司俱內駐劄本鎮所守中路十二營堡方面

由高家堡西至清平堡東路參將駐劄神木堡分守九

堡東由王甫川西至百林堡西路管糧僉事駐劄于靖

邊營參將駐劄于新安邊營分守

寧夏鎮 巡撫都御史管糧僉事及管糧通判總兵副

參將駐劄于花馬池分守地方自花馬池至橫城堡中

路參將駐劄于靈州分守地方自鎮遠關至鞏州城西

守地方自廣武營至長樂堡

甘肅鎮 巡撫都御史行太僕寺正卿少卿管糧副使及

州鎮莊浪衛駐劄副參將分守沙井驛以西鎮羌以東內

分守參政及領班都指揮行班堡以西真景驛副總兵

州衛駐劄兵備副使及參將分守地方自深溝驛至嘉

潼關衛 隸中軍都督府而官軍則陝西例得調用內駐



西甫州地方

屯堡一百一十二

愚按三代而下兵防之政我皇明為盛我皇明  
兵制之備將士之勇陝西為盛漢唐方隆之時世以  
帝女天孫媿嬪和戎宋以金獎和戎張元一浮薄亡  
命耳一佐元昊即舉世不能禦其武備皆可知矣迨  
原其故前代之得天下皆有資于匈奴故世受其患  
我太祖皇帝則不然龍飛淮甸用夏變今掃蕩乾  
坤洗滌日月使宇宙無腥羶之氣華夏還禮樂之風  
既非前代創業者所可班矣其兵防之制盡善而陝

西又加密焉統於兵部則周官司馬之制也屬於五  
府則府兵寓農之意也諸鄙既各有兵而腹裡又有  
防秋之制諸將既各有兵而應援又有遊擊之制閔  
津既各有兵而凡城市鄉村又各有民壯兵快保甲  
之制郡邑既各有兵而深山窮谷又有巡檢巡邏捕  
虎射熊之士况八郡三邊之地人閑騎射士長韜畧  
故麓川有蠢資三原杜氏而平荆襄有變賴石渠王  
公而平戎在禁近則茲土一王戮之而平虜圍京城  
則茲土二石破之而平南山王虎之亂原都御史傑  
用土兵而平北山薛賊之亂王都御史克封用民兵

而平廖賊四川之亂幸菴率閔甲士而平劉賊中原  
 之亂咸寧偕蘭州儒臣而平往年樊申之變乾州用  
 二三士夫而平近日鎮洩之亂撫臣用二三守令而  
 平蓋閔無士非將無民非兵豈免之士古稱干城斥  
 堠之妻今將折馘况天險設百二之險地歲九死之  
 區虜敢匪茹蹈我机阱則外有象殲之禍內遭覆巢  
 之慘其不畏之哉今考內外兵防之制志其大槩如  
 此

陝西行太僕寺所屬

平涼衛

慶陽衛

秦州衛

固原衛

陝西苑馬寺所屬

長樂監

開成苑

安定苑

弼隆苑 今革



廣寧苑

黑水苑添

靈武監

清平苑

萬安苑

定邊苑

慶陽苑

同川監已上四監俱革

天興苑

永康苑

嘉靜苑

安勝苑

威遠監武安苑

隴陽苑

保川苑

泰和苑

熙春監康樂苑

鳳林苑

香泉苑

會寧苑

順寧監雲驥苑

昇平苑

巡寧苑

永昌苑

甘肅行太僕寺所屬

甘州左衛

甘州右衛

甘州中衛

甘州前衛

甘州後衛

永昌衛

涼州衛

莊浪衛

鎮番衛

山丹衛

西寧衛

肅州衛

古浪千戶所

鎮夸千戶所

莊浪千戶所



甘肅苑馬寺所屬以下俱草

甘泉監廣牧苑

麒麟苑

溫泉苑

紅崖苑

祁連監西寧苑

大通苑

古城苑

永安苑

武威監和寧苑

大川苑

寧番苑

淇水苑

安定監

武勝苑

永寧苑

青山苑

大山苑

監川苑

暖川苑

盆水苑

巴川苑

大海苑

宗水監清水苑

美都苑

永川苑

黑城苑

西寧衛東至莊浪衛境三百里西至西石硤七十里又  
 西出寨外至罕東衛故池五十里南至黃河三百里北  
 至大通河二百六十里東南四百里並河州界東北六  
 百里至古浪城西南一千五百里抵安定衛故地西北  
 六百里接永昌衛境北去行都司一千二百四十里東  
 去陝西布政司二千三百里并有古之西平樂都四海  
 澆河四郡之地十五為蕃部所居而納馬易茶猶為服  
 屬

洪武元年正月甘肅省理問所官祈貢奇星吉歸附此

西祁  
始祖

陝西

七



二年都督沐英略地崑崙討番部平之

四年五月元西寧州同知李南奇以州歸附

此東祁二李始祖

五年始置西寧衛

八年立安定阿端二衛

十年四月命征西將軍鄧愈副將沐英討土蕃至崑崙

山大破之

十幾年命長興侯耿炳文城西寧

三十年罕東酋長銷南吉刺斯入貢置罕東衛以銷南

吉刺斯為指揮僉事 置西寧茶馬司招東罕等四衛

申冲等十三部納馬易茶

永樂十四年置苑馬寺於碾伯城 置曲先衛

洪熙元年安定王叛命會寧伯李英西征至崑崙山鴉

零濶平之

宣德八年改西寧衛為軍民指揮使司領左右中前後

中左六千戶所

弘治五年遣指揮哈林詣西寧求安定王族孫陝巴襲

封哈密忠順王

正德四年北虜頭目阿余禿斯丞相亦卜刺竄入西海

攻破西寧諸蕃先是北虜小王子怒阿余禿斯亦卜刺

欲殺之二酋俱奔河套擁部落至涼州乞空間地居牧



涼州將吏閉門不敢應凡十餘日始大掠入西海攻破  
西寧安定王等部奪其印詔諸番散亡遂據有其地此

海住虜  
之始

七年閏五月海虜入犯北川守倫江淮追至埤坪山擊  
敗之 七月指揮首俊襲擊海虜于紅柳灘

八年正月海虜犯南川守倫金冕禦之扁道領敗績指  
揮使陳治苑之

九年命總制都御史彭澤總兵徐謙西征海虜 北虜

亦卜刺復入西海先是總兵徐謙率萬人討虜西海虜  
聞南渡河大掠洮岷屬蕃未久復回繼為小王子所收

阿余禿斯亦卜刺二酋俱北徙未幾亦卜刺聞小王子  
復有殺害意仍竄入西海

十一年正月海虜犯南川守倫神楫禦於扁道濟百戶  
葛鎮丁显苑之 巴沙答哂諸蕃部叛百戶佛玄戰水

磨濟苑之 總兵徐謙率兵襲巴沙等叛番敗之

十四年十月隆北部烏思巴余諸番酋叛千戶李溥戰  
苑之 十一月革哂部番鎖南温古六失加侵掠弘化

等守倫副使高显守倫楊佑帥兵襲至擺羊戎山破之  
嘉靖二年閏四月海虜入犯北川守倫楊佑擊于清水

濟敗之



八年北虜阿乞禿斯入西海與亦卜刺結姻  
九年叛番叛碾伯 四月指揮彭杲擊叛番于土官溝  
敗之

十年海虜入犯西寧守脩彭杲敗之

十五年正月套虜入犯西寧閑居總兵官魯經參將治  
焉敗之 二月守脩崔騏伏兵思巴務峽襲擊海虜敗  
之

十六年二月守脩崔騏敗海虜于鉄佛寺

二十年正月套虜入犯下西川口都指揮祁鳳樂走之  
吉囊犯西寧總兵楊信副總兵王輔寺敗之

二十二年答哂部署酋却星吉出掠守脩韓世爵追敗  
之 僚谷阿不孩來收海虜回犯涼州 十一月守脩  
許世爵撲殺番酋

二十三年五月海虜犯南川守脩薛卿禦之王狗余峽  
北虜由西海歸套

二十九年余加定部蕃攻掠碾伯守脩唐勇搗巢敗績  
三十年答哂部蕃攻掠紅崖堡百戶劉清總旗孫瑞光  
等死之 碾伯搽守賀有年追擊叛蕃戰死之

副使范瑟置定西門于冰濟南控扼叛蕃  
三十一年守脩鄭曉敗虜於燕麥川



三十二年設加和尚命加定聚答哂諸蕃部攻掠堡寨兵備副使范瑟率兵討破之

三十三年署事叅將金鑒禦海虜于沙棠川敗之

三十四年閏十一月叅將張廷輔擊叛蕃于沙棠川敗之

三十六年海虜犯南川大掠五日而還 六月搽守彭

汝為追擊命加定諸部叛蕃死之 八月答哂部蕃出

掠紅崖海 十月叛蕃出掠水磨海復掠鐘家庄

三十七年五月叛蕃出掠白石海 七月紅帽兒蕃入

掠瞿曇寺 十月答哂叛蕃入掠楊官海 十二月答

哂叛蕃入掠弩木尺海碾伯搽守嚴威擊走之 叛蕃

復掠西水磨海

三十八年正月刺哂部蕃出掠土官兒海搽守楊真禦

走之 叅將張世俊擊叛蕃於乾海敗之 二月刺哂

部落復掠黑松峽于家寨 九月海虜犯南川莊浪叅

將周欽合禦之 十月海虜入犯西川叅將張世俊遣

指揮羅松伏兵沙山尾擊敗之

四十年三月叛蕃掠顏只海搽將嚴威擊破之 四月

草哂占哂叛蕃從南山掠馬哈刺海 叅將崔其禦海

虜於擺羊戎山擊走之



隆慶二年思我思奇部蕃出掠兵備副使侯東萊督叅將愷掩擊獲其豪酋千戶錢世盈與紅帽兒賊戰死之

六年叅將蕭文奎帥奇掩擊却余加落部叛蕃斬其豪酋

萬曆九年哈哂部落蕃入掠思打岔硤百戶郭承勳劉世爵追出塞外中伏死之

十三年兵備副使燕好爵帥兵搗哈哂部蕃破之

十四年套虜莊禿刺入掠碾伯等處諸蕃部

十五年八月松虜入掠燕麥川蕃部兵備僉事萬世德

禦走之 松虜再犯北川萬世德禦走之

十六年九月海虜他刺卜囊入掠南川蕃部副總兵李魁等禦於王狗余硤死之覆其軍

十七年哈哂部蕃入犯三川防守百戶劉存仁追戰死之 九月套虜卜失兒入掠瞿曇寺等處

十八年正月答哂部蕃入掠沙塘川防守百戶劉世臣追戰死之 五月順義王捨力良送佛至西海因掠洮

河二州 七月 詔遣兵部尚書鄭洛經畧西海 松

虜宰僧阿赤兒入掠隘卜部蕃

十九年正月經畧尚書鄭洛檄副使石檟叅將柳德招



收諸生蕃部五萬八千有奇 九月搃兵張臣贊畫會  
 事萬世德叅將專光祖等出寨逐虜至西海焚仰華  
 二十三年九月戊寅海虜瓦刺他卜囊大寇南川兵備  
 副使劉敏寬叅將達雲禦於裡茶朶硤殲之 十月辛  
 酉海虜瓦刺他卜囊聚約諸蕃入寇西川都御史田樂  
 副使劉敏寬帥叅將達雲遊擊張應學余世威鄧榮祖  
 等合禦於康纏濟大敗之 壬戌都御史田樂監軍同  
 知龍膺親督諸營兵追虜出寨至白石崖大敗之  
 二十四年議城刺哈山通歸德路 議置玄朔城於玄  
 朔山西 九月西軍營哨騎同刺卜叅部蕃禦虜於西

海之明沙斬首十五級 海虜永瓦諸部蕃遁居鹽地

腦大酋渡河而南 已上見膺志

二十五年七月永召卜寇西川兵備劉敏寬叅將趙希  
 雲禦於刺牙壑兵敗希雲死之北川守備王汝翼中軍  
 彭大胤死之

二十六年永召卜歸套火落赤收西海請款許之 是  
 夏海虜大舉入寇副搃兵李奎禦於灣濟硤死之

三十一年火落赤犯西川兵備李有寔叅將張大紀破  
 虜於巴尔草

三十四年城威遠北川平虜南川伏羌 是年思各迷



犯搶南川守備李希梅灰之

四十三年火落赤卒子黃台吉牧西海

四十七年黃吉台犯棠川兵備李作舟副總兵王如金

禦于麦川却之

天啟七年黃台吉犯西寧兵備宋佐舜副總兵梁甫等

禦却之

崇禎三年黃台吉兄弟殺乞師套虜王召兎大豆目威

鎮入據海兄弟悉殺之許款

七年十月二十七日鎮海民李安邦叛兵備孔聞籍同

妻女自焚死太監張守禮守備丁孔胤中軍李本隆百

戶張尔靖等死之

時因太監買馬檄變

十一月掌教治秉乾西

納班着尔領真平之

十年套酋瓦刺大骨什巴都尔黃台吉攻哈酋起兎殺

之收其衆許款

十二年十一月巡撫呂大奎勦巴咂加朵朵蕃斬級一

千五百

十六年十二月偽防禦使齊之震副將軍魯文彬至西

寧

十七年正月土官祈廷諫子興周執文彬殺之偽總

兵賀錦破西寧興周復擊于南川伏羌等殺之興周入

西海

天啟四年四月甘肅巡撫李若星疏請添設知府畧云  
遼東甘肅止設衛所不設府縣以數百軍萬民付之武  
弁之魚肉顧武弁希吃屯餘之膏血而播酷虐以開怨  
府屯餘深恨武弁之陵轢而懷反側以釀亂階在遼東  
則顧歸首不顧歸中國而三韓已淪于腥羶在甘肅則  
顧歸海虜不顧歸中國而五涼幾莽于今教摠因無守  
令撫循其疾苦保護其妻孥遂置然喪其樂心之生挺  
而走險掉臂不顧然則知府一官可不急議添設乎近  
伏 皇威人心稍戢雖有克免一戰今瘡創未渠苗又

有阿堪青羊水之戰少有擒獲然海虜支派蕃衍今古  
六三保台吉多人擁兵誦市每欲大入反成親孫屢聚  
沙嶺偵探教息狂逞復仇甘肅之危幾同累卵豈可優  
游坐視不急為之料理乎



郡國利病書卷六十五

西寧衛

西寧方隅千餘里大真墩其南生蕃聚其北東接松  
虜西閱海酋而賓兔巴兔着力克真哈壇巴都沙  
刺納刺水卻卜瓦刺他卜囊枝聯遠之西寧如以孤  
絙懸彈丸擲之群虜掌中左右前後無所倚伏堂皇  
籬落自為中外吁危矣所恃者近年硜確閭門增修  
足少恃為因為之考邊墻水洞城堡營寨墩堠櫛次  
鱗比在之創造時之增修足少恃焉因為之攷

堡寨南川去衛治南十里有沈家寨十五里有靳家堡  
水磨堡又一里為陳家堡二十里有搃堡水泉兒堡桑



家山城三十里有老幼堡王斌園莊高峰山城徐家山城新添堡又三里為井家山城五里為孫家山城甘家山城四十里有毛家寨又五里為伏羌堡置守備官去東南五十里有乞達真寨一名田家寨又東南五里為石嘴堡萬歷二十四年議大脩邊榨增置有党吳海口馬營又八十五里有刺哈山城增置將領官通歸路德西川去衛治西五里有楊寨十里為藍莊山城劉家寨又五六里為高臺堡彭家寨二十里有杏園兒堡深澗堡又五里為三旗堡三十里有陶家大堡又五里為馬思巴堡宋家堡雙山堡陶家小堡七里為花園堡汪家

寨四十里有鎮海城萬歷二十一年招建置叅將官又有巴浪堡兩旗堡徐家堡雙寨楊園堡朱家堡馬家崖堡景家山堡吳中寨李家園莊又五里為東山城堡小泉堡新園堡寺兒寨五十里有韋家寨西山城堡又五里為甘河新莊六十里有康纏堡又五里為葛家寨七里有甘河新莊六十里有康纏堡又五里為葛家寨七里有石硤山口馬營西北四十里有沈家堡萬家山城又五里為王家堡西南八十里有康纏濟馬營

北川去衛治北十五里有大旱坪堡劉家下寨二十里有劉家上寨又五里為小寨堡蔡家堡高峯山城八里



君國利病書 卷二十三  
為孫家下寨三十里為孫家上寨紅崖山城雙廟堡又  
五里為王家堡四十里有搃堡曰置守備官又有鴛鴦  
堡諸二海堡賀家寨又五里為靳家堡五十里有小乾  
海堡楊家寨高墩堡杏園堡宋家堡高臺堡又五里為  
大寨堡黃家寨鮑家上寨完家堡李巴堡六十里有邵  
家堡吳家堡又五里為東劉堡景陽川堡七十里為陶  
家寨臨水堡名山堡又五里為新添寨老幼堡八十里  
有元翔城萬歷二十四年議建於閻門馬營內移置守  
備官又有平虜堡曰為古城又有廟海山城西北六十  
里有蘇家堡七十里有清水海堡九十里姚家堡有毛

### 家堡

威遠去衛治之東北三十里有三旗堡又 里為駱駝  
山城四十里有五旗堡甘家堡雷家堡破寨堡藍場堡  
又五里為陶家堡五十里為搃堡薛家山城新園堡六  
十里有曹家堡曰名石碕堡黑鼻子崖堡又五里為馮  
樹堡高牆堡七十里大通苑堡新添堡董家寨納零海  
魏家堡八十里有俞家堡蔡家下寨又五里為涼州營  
堡又十里有威遠堡置遊擊官又有班馬灣堡一百里  
有馬圈堡蔡家堡老幼堡萬歷二十三年增置興化堡  
東二十五里有傅家山堡四十里有高寨七十里覺化



寺堡八十五里張家寨

城東去衛治二十里有羅家灣堡三十里有小硤口馬  
營三十里舖堡又五里為中寨堡四十里為張旗堡六  
十里為石青堡四十里有紅莊堡白土坡馬營五十里  
有東營兒堡其南十餘里為寄彥才堡又東五里為西  
營兒堡七十里有平戍堡置防守官其南十里為觀音  
堂大寨八十里河灘寨又九十里有高店堡一百里  
有馬哈刺堡馬鞍山營一百二十里有深溝堡旱莊堡  
弩木只溝營又三里為七里店堡一百三十里有碾伯  
城又三里為水磨營五里為罔子堡一百四十里有湯

官堡楊官堡石嘴堡王官兒堡其石嘴堡北二十里為  
勝番溝馬營一百五十里有雙塔堡高廟堡羊腦子溝  
馬營李二堡又五里為藩旗堡周旗營一百六十里有  
紅水堡薛溝堡李拓叭山城又五里為趙皮下團莊堡  
一百七十里虎糧溝堡長里店堡趙家山團莊堡一  
百八十里阿壘堡杏園兒堡老鴉城堡樸兒溝營自  
老鴉城北四十里為水溝堡竹林溝馬營二百里有席  
刺孩山城其南二十里為路家堡又五里為松樹灣堡  
二百十五里有米刺溝新添堡其南十五里為李二堡  
二百二十里有石嘴堡二百三十里有上川口堡其南



五里為吉家堡又南五里為萬象堡又南五里為祁家山城又南五里為巴州寨又南五里為細巷港二百五十里有下川口堡其西角十里為李鉄堡又五里為武家堡紅嘴堡又五里為高廟堡又五里為北鄉堡又哈家堡又五里為揔堡鎮遠堡又十里為慈利寺堡又三里為郭家山城自下川口堡東南十五里有西納堡又南二十五里為南鄉堡又十里為鎮寧堡又十五里為雙泉堡又西南七里為鮑家堡自西納堡又東五十里為甘家堡又東十里為趙芳山城又東北二十里為靜覺寺堡西南十里為高泉堡又西南二十里為張家寺堡

自趙芳山城東四十里有郭家堡南三十里為朱家堡又西南十里為祁家堡又三十里為祁家山城又二十五里為韓家堡又二十里為靜寧寺堡自祁家山城東十五里有呂家堡又西南二十里為趙木川山城硤窄馬雞海峽榨次衝距衛治東南八十里伏羌堡三十里水州海二十里秋于海四十里西川七十五里隄山堡六十五里罵兩海二十五里碾伯一百八十里平戎七十里寄彥才海五十里虜零入申中族蕃南川兵出水草海西寧兵出秋子海嶺西川兵雙山堡兵出罵兩海夾擊之碾伯平戎兵赴寄彥才海應援虜大入諸



兵于伏羗堡上下合擊之

王濟余峽榨次衝距衛治南八十里伏羗堡四十五里  
硤口十五里分水嶺二十里西川八十里雙山堡六十  
里孤山兒二十里碾角一百八十里平戎七十里寄彥  
才濟三十五里虜零入申中族蕃南川兵出硤口西寧  
兵出分水嶺西川兵雙山堡兵出孤山兒夾擊碾角兵  
平戎兵赴寄彥才濟應接虜大入諸兵于伏羗堡上下  
合擊之

規尔朶峽榨極衝距衛治南九十里伏羗堡四十里閻  
門三十里匾担濟四十里西川七十里塔爾濟四十里

虜零入則申中族蕃南州兵出閻門西寧兵出匾担濟  
西川兵出塔兒灣分禦虜大入則諸兵又於水州濟上  
下合擊之

朶哈尔峽榨次衝距衛治南八十里伏羗堡五十里本  
川閻門三十里扁担濟四十里西川四十里雙山堡三  
十里班撒兒閻門三十里碾角二百一十里平戎一百  
四十里五寄彥才濟八十里虜零入申中族蕃南川兵  
禦閻門西寧兵出扁担濟西川兵雙山堡兵出班撒兒  
閻門分禦碾角平戎兵赴寄彥才濟應援虜大入諸兵  
于申中族上下合擊之



經納峽榨極衝距衛治西南一百一十五里西川七十  
里班撒兒闇門四十里塔兒灣三十里南川五十里南  
川闇門四十里虜零入則班撒兒族蕃西川兵禦闇門  
西寧兵出塔兒灣南川兵出闇門分禦虜大入則諸兵  
又于班撒兒闇門合擊之  
打石榨極衝距衛治西一百一十里甘河闇門六十餘  
里西川六十里大康纏海六十里班撒兒闇門四十里  
虜零入則坡家族蕃禦甘河闇門西川兵出大康纏海  
西寧兵出班撒兒闇門分禦虜大入則諸兵又于班撒  
兒闇門上下合擊之

大磨石海榨極衝距衛治西南九十里西川三十里太  
康纏闇門二十里甘河闇門二十五里虜零入則刺卜  
爾族蕃禦榨西川兵出大康纏闇門西寧兵出甘河闇  
門分禦虜大入則諸兵又于大康纏闇門上下合擊  
之  
白崖子榨極衝距衛治西南八十里西川三十里太康  
纏闇門二十里甘河闇門二十里虜零入則刺卜族蕃  
禦榨西川兵出大康纏闇門西寧兵出甘河闇門分禦  
虜大入則諸兵又於大康纏闇門上下合擊之  
白石頭下盤道三榨極衝距衛治西南九十里哈加海  
三十里西川三十里第四海十五里小康纏海十五里



虜零大則速余吉禦哈加海西川兵出第四海西寧兵  
出小康纏海分禦虜大入則諸兵又于小康纏上下合  
擊之

白石頭東欄二榨極衝距衛治西九十里鳶巴蕃營二  
十里西川三十里大康纏海二十五里甘河閘門四十  
里虜零入則速余吉禦鳶巴蕃營西川兵出大康纏海  
西寧兵出甘河閘門分禦虜大入則諸兵又於鳶巴蕃  
營上下合擊之

洛攔榨極衝距衛治西八十里西川三十里洛攔口五  
里康纏海二十五里虜零入則達我失族蕃堵榨西川

兵出洛攔口西寧兵出小纏海分禦虜大入則諸兵又  
於小纏上下合擊之

西石峽榨極衝距衛治西九十里割麻隆二十五里西川  
三十里佛余崖十五里賞失蕃營三十里虜零入則割  
麻隆族蕃禦榨西川兵出佛余崖西寧兵出賞失蕃營  
分禦虜大入則諸兵于割麻隆蕃營上下合擊之

鎖思党榨極衝距衛治七十里西川三十里奔巴余海  
十五里西納下寺三十里北川八十里截山海山嶺十  
八里虜零入則奔巴爾族蕃西川兵堵榨西寧兵出西  
納下寺北川兵出截山海山嶺分禦虜大入則諸兵入



于西納寺上下合擊之

刺撒余權極衝距衛治西七十里西川三十里賞失加蕃營一十五里納西下寺三十里北川五十里亂迭海十五里車道嶺十里虜零入則思打隆西納奇族五蕃營禦權西川兵出賞失加蕃營西寧兵出西納下寺北川兵亂迭海兵出車道嶺分禦虜大入則諸兵又于西納寺上下合擊之

小寺海山崖權次衝距衛治西北八十里刺撒兒十五里西川四十五里刺科五里九川七十里亂迭海三十里紅嶺兒二十五里魯余加營十五里虜零入則隆奔

族蕃出水權刺科土巴谷營蕃在本地思打隆族蕃出刺撒余西川兵赴刺科北川兵亂迭海兵赴紅嶺兒夾擊西寧兵赴魯余加營援之虜大入諸兵于刺科營上下合擊之

大寺海峽次衝距衛治一百里刺撒余二十里西川五十里刺科十里魯余加營二十里北川五十里亂迭海三十五里紅嶺兒三十里虜零入捨余族蕃出本權思打隆族蕃出刺撒余西川兵出刺科西寧兵赴魯余加營北川兵亂迭海兵赴紅嶺兒夾擊虜大入諸兵于刺科營上下合擊之



北揀峽榨鹿山石崖隆思哥榨三處次衝距衛治西北  
一百二十里本榨口二里北川九十里亂迭海五十里  
土巴營三十里西川八十里刺科三十里上魯爾加營  
三十五里虜零入隆卜奔安藏二族蕃出本榨口捨  
爾小寺海刺科各族蕃在本地北川兵亂迭海兵出土  
巴營西川兵出刺科分擊西寧兵赴上魯爾加營夾擊  
虜大入請兵于刺科營上下合擊之

刺爾寧榨極衝距衛治一百二十里西川五十里刺科  
蕃營三十里北川六十里亂迭海四十里土巴蕃營二  
十里上魯爾加營四十里虜零入則捨爾族蕃禦榨

西川兵出刺科蕃營北川亂迭海兵出土巴蕃營西寧  
兵出上魯爾加蕃營分禦虜大入則請兵又于刺科蕃  
營上下合擊之

大亂迭海腦極衝距衛治一百二十里餘西川八十里  
刺科營三十里北川九十里亂迭海四十里土巴營  
三十里上魯爾加蕃營四十里虜零入則隆卜班奔思  
邦巴二蕃族禦海口西川兵出刺科蕃營出北川亂迭  
海兵出土巴蕃營西寧兵出上魯爾加營分禦虜大入  
則請兵又于刺科蕃營上下合擊之

栢楊海榨極衝距衛治九十里本海口十里西川六十



里刺科蕃營二十里北川七十里亂迭海三十五里紅崖兒二十里小山硤口二十里虜零入則隆奔土巴土二族蕃禦海口西川兵出刺科蕃營北川亂迭海兵出紅嶺兒西寧兵出小山硤口分禦虜大入則諸兵又于土巴營上下合擊之

老馬海硤極衝距衛治西北八十里本海口五里北川四十里巴哇冲車所族蕃營五里廟海十里密納族蕃三十里金冲海腦十五里虜零入則北川兵巴哇冲車所族蕃禦海口西寧兵出廟灣密納族蕃出金冲海分禦虜大入則諸兵又於廟灣上下合擊之

小山峽極衝距衛西北八十里本峽口十里西川六十里亂迭海新添堡二十五里北川五十里今冲海三十里虜零入則加余即族蕃西川兵亂迭海兵禦峽口西寧兵出亂迭海北川兵出金冲海分禦虜大入則諸兵又於加余即蕃營合擊之

娘山崖石城子崖極衝距衛治九十里本山硤口七里密納族蕃三十里北川三十里清水海十里蘇姚二堡二十里亂迭海三十里西川六十里加余即族蕃營十五里虜零入則密納禦硤口北川兵出清水海西寧兵出蘇姚二堡亂迭海西川兵出加余即分禦虜大入



則諸兵又於蘇姚二堡上下合擊之

大閭門水洞榨極衝距衛治七十里北川二十里河東

老幼堡二里西川八十里清水海腦十五里虜零入則

北川兵左禦水洞榨右禦閭門西寧兵出河東老幼堡

西川兵出清水清腦分禦虜大入則諸兵又于古城上

下合擊之

細清兒榨極衝距衛治七十里北川二十五里毛家山

十里小甘海口十里虜零入則班右族蕃北川兵距榨

西寧兵出毛家山北川兵出小甘海分禦虜大入則諸

兵又于毛家山上下合擊之

圓樹兒榨極衝距北川三十里西寧八十里山甘海腦

五里西川九十里毛家山五里虜零入則六古啞族蕃

北川兵拒榨西寧兵出小甘海西川兵出毛家山分禦

虜大入則諸兵又于毛家山上下合擊之

北川剗板山之崖極衝距北川守備堡三十里園樹兒

榨十里西寧八十里小甘海腦六里虜零入則白朶腦

牙家二堡蕃拒榨北川兵出圓樹兒海西寧兵出小甘

海分禦虜大入則諸兵又于甘海上下合擊之

北石峽榨極衝距衛治一百里與屯堡十五里峽口十

里木爾即山一十五里北川四十里岳木海一十五里



虜零入則薛哂族蕃祁家土兵與屯堡兵出硤口西寧兵出木爾即山北兵出岳木海分禦虜大入則諸兵又于石硤口上下合擊之

邊榨燕麥川長邊極衝距衛治一百一十里濫泥海三十里與屯堡二十里北川六十里西川一百三十里上沙兒十里紅崖子六十里哈喇只海六十里虜零入則咎哂族蕃祁家土兵出濫泥海西寧兵與屯堡兵出燕麥山北川兵西川兵出上沙兒分禦碾伯兵由紅崖子應援哈喇只海于本處欵備虜大入則諸兵于與屯堡上下合擊之

葱檻壑口榨次衝距衛治東北一百八十里碾伯六十里藥草臺十五里馬哈刺海二十里古鄯一百五十里虎浪海二十里虜零入翟曇寺蕃出本榨碾伯兵出藥草臺而寧兵赴馬哈刺海古鄯兵赴虎浪海夾擊虜大入諸兵于大硤口上下合擊之

思打岔硤榨次衝距衛治東南二百九十里上川口七十里古鄯八十里普化寺山四十里碾伯一百七十里來刺海六十里虎狼海七十里虜零入普化寺蕃土川口兵出本硤古鄯兵赴虎狼海夾擊虜大入諸兵于普化寺山上下合擊之



杏兒海榨次衝距衛治東南三百九十里古鄯一百二十里杏兒海口三十里碾伯二伯七十里張家小寺八十里巴州海一百六十里虜零八哈咂寺番古鄯兵出杏兒海口碾伯兵赴張家小寺西寧兵赴巴州海夾擊虜大入諸兵于張家小寺合擊之

以上硃榨皆海虜入寇道也蓋四寧旧防羌未入虜故惟榨為多虜一闖榨官軍不知所之乙未創虜遂議迎堵方向為之圖說曰西寧邊榨共三十八處極衝二十七處次衝十一處三南還到逼近虜窠胡馬秋高奄忽而至各營將士聞警莫如所之至于近

境諸蕃各有派定關隘若不預加申飭臨時漫無邊從茲則繪圖註說刊布悉知胡騎零來則各趨信地虜衆大舉則齊赴合營机宜務欲按圖兵馬無頓再調以戰以守或庶幾乎然此道其常而已矣碩變化難執一律而運化在乎一心倘如虜分道而我多援則分而應之伏而邀之如虜分道而我分援則揮而欽之合而擊之如虜謀不秘我偵預明則集兵榨內以待之如烽火失傳腥羶內蹂則統衆相機而向之恪遵其常而勿背通連其變而勿膠務先為不可勝以待敵之可勝立于不敗不致為敵人之敗夫然



後為善之善者歛

蕃族

申中族一名申冲洪武三十年招撫居收歸德碛後徙寨內孤山灘古牛心堆西也去衛治四十餘里有城郭廬室田畜為業戶三百口六百有奇授指揮一歲輸馬三百五十有奇其俗多毛布男子衣二截上修倍下多綴縫各衣獸皮貴賤有異女子推髮被頰而下貴者首項飾珍珠珊瑚琥珀瑱瑫瑪瑙臘珀海驃之屬飲食恒牛羊胡餅重名酪間獵黃牛鼠麀鹿野馬牛雉兔食之歲以麝香犏牛羝尾馬尾兔豹狐皮出布婚禮以馬

為聘貴者十餘匹下亦二三特不聯帳居蕃部姻恐其叛乱而蔓累之每歲元旦及至日萬壽節十三蕃族受爵大酋盛起衛城隨班朝貢次日又宴于衛堂頒賚而去

隆卜族居牧寨外去申中南百餘里有上下二百族西隣思哥迷東接占哂南至黃河東西二百里無城郭多毳帳間有廬室戶二十口四十有奇國師一風俗畧與申中同往不率國章先是烏思巴尔諸酋叛掠千戶李淳擣其廬帳諸部恚憾正德十四年冬十月復入大掠淳追擊出寨中伏被執寸莖其屍自是叛乱靡定



不內屬也其後願受大明等藏僧鎖南堅錯要約萬曆十八年松虜宰僧阿赤克入掠其部十九年經畧尚書鄭洛因具挫衄遣使致鎖南堅錯收撫之開族八十有奇有格路族岳哈族多巴族沙尔尾族阿班族速古族亦思教族思朶族哈草失加意族且尔小族角家族朶尔只受族擦卜族隆藏族出加族托擦族亦即隆族哈日卜尔巨族沙刺卜尔巨族東尔業族倭綽卜哱族尔家加族甘多唐族擦尔郎族納哱族篋其族阿卜答尔加族卜尔巨族星尔結族哈巴族賞巴族檀加族阿宗卜尔巨族耳答卜尔巨族哈爾官族思計加族哈爾加

族阿受卜哱族哈墩族擦尔加族着哱卜尔巨族刺加卜尔巨族答尔郎族窮卜族多擦族思加巴族東尔結族官撒尔族押尔結族麻尔結族毡巴族丁剏族倉思巴族薄卜不勝巨族加洛卜尔巨族杓尔莫卜巨族恰尔結族倉帖尔卜巨族哈爾囊答族杓尔藏族阿尔族别尔結族答尔加族康卜利族色結族班家族賞加卜尔巨族星草族奇右尔族尔加刺族班麻族提思加族沙族尔加星草族沙卜刺族扎失卜尔巨族尔莫族尔送咱族尔角尔族阿洛受族坎奔族賞尔章族亦尔哱族鎖卜族東奔族叔羊結寔族各輸馬五百五十奇



占咂族一名章咂洪武十三年招撫居寨外西接下隆  
卜東隣草咂居處服食皆同往結連二族叛服靡定  
嘉靖四十年出掠馬哈刺洵輸馬久絕萬曆十九年經  
畧尚書鄭洛遣使招諭之互開其族有鎖思冬加族連  
俄族亡卜族阿余結族朶藏族哈撒余族和余加族多  
余利族余加藏族的咂族思冬幹族哈卜郎族合余族  
思納加族克墩族各余巴族朶余只族思打革族哈加  
族辦朶族官他族沙麻余族沙卜族思冬正族巴余革  
革族丹麻族哇刺宗牙族宗受余加族摠計輸馬三百  
匹有奇中多兵備劉敏寬復招徠者焉

華咂族一曰哈咂洪武十三年招撫居寨外在占咂東  
古部之西南也無廬室多屬帳戶四百口九百餘其俗  
畧與占咂同馴獷靡常正德十四年蕃酋鎮南温古六  
失加侵掠洪化寺守備楊佑襲破之嘉<sub>靖</sub>四十年田南川  
掠馬哈賴洵萬曆九年入掠思打岔峽百戶郭承勳劉  
世爵追出寨外中伏而歿十三年兵備副使燕好爵帥  
兵擣其巢穴斬馘一百三十有奇獲生畜二千有奇有  
牛一身兩頭十九年入犯三川防守百戶劉存仁追戰  
歿之輸馬遂絕十九年經畧尚書鄭洛招収不至二十  
三年兵備劉敏寬遣人慰諭并具屬族有掩官屬科元



族荅加族歲總輸馬四十有奇

打卜受族居牧寨內古鄯西北之松樹灣會寧伯李氏

族也口一百有奇歲輸馬一十五

洛巴族居牧寨內古鄯西戶一百口二百五十歲輸

馬二十有奇

古迭族在古鄯西與打卜受鄰指揮東祁族也口一百

有奇歲輸馬二十

珍珠族居牧歸德硤兵備劉敏寬招撫之戶一百有奇

口五百歲輸馬一百餘匹

那余卜族居牧古鄯西鷲峯寺屬族也新開輸馬二十

有奇

思果迷族一曰果迷卜啞洪武十三年招撫在上隆卜

西去衛治一百五十餘里蓋古饒河郡地有上下二族

其飲食居處不異隆卜又有哈沙族向佛効順萬曆十

九年經畧尚書鄭洛遣使招撫三族來歸歲輸馬約五

十匹盈縮不齊時或不至二三十年兵備劉敏寬招諭

焉復歸順為我西海耳目有斬獲功

申藏族洪武十三年招撫十三族之一也居牧上思果

迷西近青海漢西海郡地其種族久已散亡

日覺刺麻族往居牧仰華寺之焚東徙歲輸馬三十有



奇

隆奔族洪武十三年招撫居牧寨內外周西納南西北  
三隅有廬室城郭寨外者列帳有虜警徒寨內俗同申  
冲西納也有國師指揮歲輸馬一百三十有奇其支屬  
有奔巴余族居西右峽戶一百有奇口二百五十歲輸  
馬一百五十

西納族洪武十三年招撫居牧寨內湟水北西去衛治  
五十里勅封演教寺一處居西納川河北黑嘴兒其香  
糧地土住牧山場自鎮海西門已上至小康纏大康纏  
四塔塔往下甘河透河北多巴古城西納上川寺亂迭

溝小山硤口止

勅有界止又沙塘川光科爾國師曰

地亦各有界址俱永樂八年九月十六日頒西納族下

有多巴禪師光科爾國師哈爾指揮多巴指揮西納十

戶魯爾加千戶馬勝百戶等百戶一十三員又所轄隆

奔一十八族千戶當西納百戶刺沙營多巴完冲扎

營坡加營思卷完卜隆奔國師隆奔囊鎖隆奔百戶隆

奔完卜元旦頭目且令思加大僧哈住綽舍官卜扎

失英巴頭目英爾蓋舍人班納翟頭目部爾各頭目設

納完卜迷刺阿紀爾前扞頭目里革日安藏隆卜思個

隆奔指揮小國師刺卜尔牙湖尔班的撒麻尔罕冬六



人攝那族塔尔寺班沙尔昂藏族長頭目俱住居西納川屬鎮海營地方叅將所轄歲各轄輸馬不一巴沙族洪武十三年招撫居牧塞外去衛治北一百餘里北至大通河西至北川塞外東接大通城廣袤五百里無廬舍多屬帳其族與諸蕃首無大異所屬有咎咂思俄思哥等小族恃險阻數出掠正統十三年蕃首瓦洛叛遣指揮祁賢捕獲之天順元年四出侵犯涼永莊浪西寧攻破城堡戕殺官軍劫掠生畜無算鎮巡會請擊之搃兵官衛穎副搃兵毛忠帥兵由駱駝山討之俘斬七千七百有奇至正德十一年又入掠水磨海百

戶佛元戰死之是年總兵官徐謙率兵襲擊破之其族遂散而咎咂族漸強盛

咎咂族巴沙小族也巴沙散弱全有其地南北百餘里東西三百里支族散處各自為族無統屬有大咎咂族小咎咂族上咎咂族中咎咂族下咎咂族六古咎咂族薛咂族劉余的族巴咂族巴的族設加族思冬沙族阿洛受族思哥迷族刺咂族亞思革族倉阿思加族冲咂族馬其沙族馬其冲杓族思蠻咂族諸貢族奔阿族思加濟族阿洛朵只族北俺官族哈余麻族土巴族舍加族馮余定族茶住族麻余日族麻居族而思洛迷族有國



師金印小札余的族其婿也鮮送族居大通川者則輸馬于莊浪火咎哂戶一千五百口四千刀犀利善便巴哂戶三百口八百有奇帶甲勝兵三百海虜去紅帽善箭咎哂善刀恒畏之嘉靖九年掠碾伯四月掠土官海指揮彭果擊敗之二十二年酋長却星吉出掠守備許世爵迫敗之二十九年余加定族攻掠碾伯守備唐勇問道擣其巢穴頗多捕獲及兵還蕃賊邀于道我兵據險力戰勇額中矢兵遂敗績指揮陳龍趙威死之殺傷百餘人所獲俘馘生畜盡亡三十年聚眾攻掠紅崖堡守備俞京帥兵往救怯不敢進麾下指麾趙芳百戶劉

清總旗孫瑞先舍人李維志率勇敢三十人出營先進與戰勢孤為賊所圍清與瑞先三十餘人皆歿之芳中三刀繼志中七刀京間敗遂棄營遁軍士大亂喪亡不可勝計官軍二千未遇賊而潰京止遣戍是年又犯碾伯搽守指揮賀有年追擊歿之三十二年設加和尚余加定聚諸族攻掠堡寨兵備副使范瑟破其眾三十四年閏十月入掠叅將張廷輔敗之于沙棠川三十六年閏六月余加定又掠潘其營搽守指揮彭汝為戰歿八月掠紅崖海十月掠水磨海復掠鍾家庄三十七年十月掠楊家海十二月掠弩木只海搽守指揮嚴威擊走



之是月復掠西水磨海三十八年正月刺咂族出掠土  
官海二月復掠黑松硤于家寨四十年三月部人掠顏  
只海操守嚴威擊走之至萬曆十八年正月入掠沙棠  
川防守百戶劉世臣遇害其蹂躪我土地荼毒人民不  
可屈指計而我兵不能一大創種類日繁負險為固十  
九年經畧尚書鄭洛鼓蕃族以逐海虜遣使招諭之得  
工巴以下七族而大咎咂始歸焉二十三年兵備按察  
使劉敏寬叅將達雲禦虜兩川出勝兵三百五十助戰  
破虜之後頗畏威力令諸族歲輸馬六百五十有奇願  
無稟命之主顓其號令設我將士削弱不能其然保帖也

思俄思哥族亦巴沙族屬也居衛城北寨外咎咂部中  
天順七年巴沙糾犯沙棠川隆慶三年出掠平戎道士  
叅將陳愷掩擊之至其帳賊固知也誅其首惡不敗復  
出後肅州南山僧來居其族凡咎咂族屬咸師事之習  
其教焉歲輸馬三十有奇

巴哇族洪武十三年招撫初居牧北寨外與巴沙隣巴  
沙屢糾其族及其族所屬阿尕加倉叛天順七年入掠  
沙棠川大破之其衆寢弱正德十一年搃兵徐謙襲巴  
沙而巴哇亦散亡流處沙棠川北川哈刺只海居廬室  
歲輸馬三十頗效順焉



卜札尔的族居牧紅崖海腦有城堡處廬室蓋肅州西山僧烏思藏所遣來居室內開族輸馬五十有奇麻加族居牧寨內碾伯北勝蕃海有城堡居廬室戶八十餘口二百歲輸馬一十有奇

回衛

罕東衛西北去衛三百里西戎之別也洪武三十年酋長鎖南吉刺斯入貢因置衛以為指揮僉事給金牌輸馬易茶永樂三年吉刺斯同兄塔力襲吉刺斯兄等貢

馬以塔力襲為指揮奴才為指揮僉事各賜冠帶幣鈔宣德三年勅指揮祁賢往其衛指揮招撫叛亡正統六年又遣都指揮哈刺卜花往諭之正德四年為北虜阿余禿厮亦卜刺入掠西海據有其地部落散徙初一百餘口在乞達真依申中族居牧今依西納族為其所役口僅五十歲輸馬二十有奇

曲先衛在罕東衛北亦西戎部落也元置曲先答林元帥府永樂四年置衛以土人散西思為指揮同知給金牌輸馬易茶宣德四年散西思叛遣指揮李文討之五年都督史昭以安定王亦攀丹指揮桑哥等進討平之



正統二年其頭目黑麻兀遣指揮火丁等入貢方物七年遣指揮祁賢往其衛招撫指揮準者罕都立諸蕃族正德四年為北虜坎破部落散亡

安定衛在曲先西南黃州灘哈密忠順王脫之族也  
洪武六年命宣威將軍朵余只失結招其王烟帖木兒  
七年遣使入貢八年立其衛洪熙元年叛命會寧伯李英進討至崑崙鴉零澗俘獲人畜十萬三千有奇捷聞必欲得其王復追禽之遣使寘勞將士功賞有差尋故之給金牌輸馬易茶宣德五年以其兵討曲先阿端遂平其國正統六年遣指揮哈刺卜花撫諭其部十二年

部人占麻力邀殺其軍遣指揮祁賢捕獲宏治中哈密為土魯蕃所破遣大臣經畧哈密無有支庶因先安定王亦攀丹與先忠順王脫之同族遣指揮哈林至其衛求為後得族孫陝巴十三年命指揮祁贊取陝巴母却失告妹必力子弟打思哈等赴甘州轉送哈密今忠順王乃陝巴後也正德中為北虜攻破據其地僅存遺孽江纏余加等僧俗口四十有奇徙居沙棠川威遠堡東歲輸馬一十有奇

阿端衛在曲先西南韃靼之別其地廣袤千里洪武七年酋長撒刀畏兀兒遣使貢鎧甲刀劍賜以織金文綺



命立為四部給與印章曰阿端曰阿真曰若先曰帖里  
八年立為阿端衛俱遣使入貢宣德中典曲先衛叛都  
督史昭以安定王軍討平之七年遣指揮祁賢招撫立  
諸叛蕃正德中為北虜殘破散走賜支河曲今不知在  
所矣

海虜

西寧原係羌地套虜亦卜刺于正德初以獲罪酋長叩  
閏乞降彼時守臣倉卒無應遂致闖入海上破安<sub>定</sub>安四  
衛擄其金印據其地焉正德九年以後總督彭澤楊一  
清王瓊王憲等相繼經畧至嘉靖三十八年俺荅由鎮

羗入西海分犯涼水西寧欲隨艸久牧至四十年以中  
濕腫足而歸遺永邵上枝窠居海上萬曆四年俺荅求  
建邸萃寺套虜往來不絕十六年瓦刺他卜囊犯搶西  
寧掩殺副將李魁及千戶把總指揮八員領兵官四十  
員全軍覆沒十八年順義王來海上套虜卜失兔松虜  
宰僧阿赤克遂聚牧青海肆出搶掠上遣大臣鄭洛  
經畧于此虜王東歸松套各虜亦隨之往復遺火落赤  
真相台吉納刺台吉沙刺台吉哈壇把都兒南控兔俞  
台吉着力兔等部與永邵卜蟠據雜處永邵卜瓦刺他  
卜囊部落并收蕃計幾萬人納刺沙刺二台吉納千人



哈壇把都約五百人火酋頭目部落始僅數百繼收武宗塔余諸蕃及渡歸德收冷家諸蕃殆三千餘衆住牧莽捏二川真酋兄弟所部亦僅數百收有河南蕃族共二千餘時復正渡與火酋來去靡常其專牧海上者則永瓦納刺沙刺哈壇南把瓦余數部也永瓦二酋自二十三年西南兩川大遭挫斲戡級七百有奇擊歿無筭乞款不許遂遁海腦火著納刺諸酋亦乞款不許俱各遠徙無復敢窺伺邊垣者

經畧鄭洛脩禦海虜事宜疏畧曰西海者羌蕃住牧之逼流虜依戀之處可以掠蕃可以窺漢化蕃為虜

流毒甚易西寧行百里許而出石硤即為寨徼又西行四五百里乃為清海周環七八百里其西有大小鹽池西南烏思藏西北通仄沙哈密皆可收牧可獵之區廣漠無際故提兵於此競利喪羶難矣進兵之路惟西寧頗易而西寧以西有扁都口可進然惟可以防其北潰而到海則遠東有綽遜河口可渡然惟可以遏其南奔而到海則又遠即使兵衆食足西寧裹二十日之糧由石硤進甘涼裹一月之糧由扁都口進河東裹月餘之糧由綽遜口進然亦未必能得志而絕羣醜者何也我進則彼退我愈進則彼愈退



况大漠窮荒我軍深入糧糗芻料何以隨載緩急失  
接何以救援此海上出兵之難也臣晝夜熟計有可  
舉之事數端一曰嚴借路甘鎮一路乃入海門戶也  
誠使鎮巡諸臣恪遵 明旨闖邊則殺扒牆則殺掠  
內則殺則匈奴之臂必斷海虜之勢自孤雖有小醜  
穴中鼠耳藉虜受賞于東欲起疆于西在各鎮則勤  
師搗窠以牽之在甘鎮則陳師鞠旅以禦之諸虜有  
不內顧而外畏乎此蚕食海虜之第一義也二曰急  
自治自治之策莫要于設將增兵制噐西寧之碾鄯  
海上視之猶稱腹裏西川北川南川沙棠川逼臨海

道皆當虜衝北川原設守備西川近設遊擊增兵三  
千畫地分守獨沙棠川平原廣衍應設守備一員者  
碾伯兵四百補之庶便防禦西寧恭將應改為協守  
副提兵與甘涼分為二協乃漸積勇餉使常有萬兵  
一二年之供修治神鎗火砲演習陣法使一可當十  
可橫行匈奴矣三曰鼓蕃族環河湟皆蕃而海上之  
蕃最有氣力其族有七提名曰紅帽蕃子又大海西  
南有阿余列蕃一族焉其部落最衆先年曾殺火酋  
兄反言黃台言其强悍與虜埒也惟是鎮巡遂將督  
心招徠歸順則輯寧之陷于虜則誘而出之為虜掠



則出兵救護之其能斬級則照例陞賞之趕來馬匹  
即給而漿之使海上諸蕃皆為我耳目羽翼而虜視  
之草木皆兵又安能寧處海陬也四曰扼川底瓦刺  
達子與套虜世讐回因入 貢中途屢被流虜劫  
掠今回夷與瓦刺結親皆欲甘心于虜者北來之虜  
既不許借道內地倘由川底行走得其情形則名號  
回夷勾引瓦刺會兵于嘉峪關西北亦張兵關外為  
其聲援虜必畏而不敢來海虜之勢孤矣五月飭茶  
禁海上蕃夷以茶為命 中國之制惟熟蕃則易  
茶禁生蕃則不許然生蕃托熟蕃以交通海虜阿蕃族

以私貿甚有奸商私載入蕃地奸夷私載抵虜穴以  
收厚利虜亦樂居海上矣今嚴為之禁無許私茶出  
境入虜則海虜自困或有如俺荅中濕腫足而歸者  
矣六曰議雕剿春寒馬弱偵其往收近寒則輕師潛  
出打其帳房使老小輜重牽顧不及而又請蕃趕其  
馬匹虜必不能寧居海上矣七曰重首功虜未款之  
先入犯則環塞軍民得而殺之虜亦不敢輕入自款  
之後虜搶蕃族猶迎敵繼因虜酋四行羅織官為追  
罰諸蕃遂甘心附虜陽為掠蕃陰為掠漢人亦  
畏虜不敢殺且有送添巴者矣臣入西涼訪知此情



乃大脩播告明示賞格殺虜級來獻矣海虜罪惡屢  
蕃不鼓邊民殺殺之是自餒也非邊臣保疆安塞之忠  
也臣已三申五令虜人必殺之虜必賞乃編示蕃漢  
軍民但虜近邊窺伺或假以買賣掠蕃者許乘便殺  
之每級即給銀五十兩願陞者擬陞使蕃漢軍民皆  
曉然知殺級之獲大利且速得也寧無持身命以圖  
虜者乎第年來法令不信久矣血戰而隔年不叙功  
萬里不告之軍民且向有因殺虜級而反獲罪者矣  
將吏灰心豈獨蕃漢軍民皆喪氣也八日議招降查  
得先年虜有率衆四五十名或百名以上降者授以

鎮撫千戶官職十名或二三十名亦各給賞招降有  
功叅守等營例亦分別陞賞今趁馬搗巢之後虜必  
震驚而貧夷強虜必有畏殺內附者若各將領有招  
徠之法安插之術羨其服飾優其糧石則各酋豈非  
望風投進者乎虜漸披離是亦清海之吃緊矣然西  
寧彈丸之地蕃漢雜居僻在一隅饋運艱甚臣入臯  
蘭查問西寧積聚倉廩無糧草場無草其時青黃不  
接貿易無措監收官下鄉散銀土民皆掉臂入山而  
去臣與各將吏委曲調停凡軍糧馬糧皆以豆麥青  
稞相兼而支乃積得萬軍十日之糧艸僅供萬軍出



塞十日之支故今議剿虜者先養士又養士者先積  
餉然積餉十萬則未可以旦夕舉也

大學衍義補

自昔守邊者皆襲前代之舊漢因秦唐因隋其邊城營  
堡往往皆仍故迹唯我朝守邊則無所因襲而創  
為之制蓋自唐天寶以後河朔以北多為方鎮所有其  
朝廷所自禦者突厥吐蕃南詔而已五代以來石晉以  
燕雲賂契丹而河南盡屬拓拔氏宋人以內地為邊境  
金元以夷亂夏無有所謂邊者聖祖得天下于中國  
蓋當夷狄極衰之際遍于西北邊城立為蕃府統重兵  
據要害然皆在近邊而未嘗遠戍境外如漢唐之世也  
洪武之初西北邊防重鎮曰宣府曰大同曰甘肅曰遼



東曰大寧永樂初革去大寧惟存四鎮寧夏守鎮肇于永樂之初榆林控制始于正統之世其餘花馬等池堡皆是邊境多事之秋創置者也方今北虜入寇之地其要害之處 朝廷處置固已嚴密但所謂黃河套者尚若闕焉者也前代所以廢棄之者以其邊城之防守在內而其地在外故也今日吾之守鎮頗有在河套之外者秋高馬肥風寒河凍彼或長驅而入屯結其中以為吾內地之擾幸其固無深謀未用華人之計不為據地之爭是以亟來亟往有獲即去似若無足為意者然謀事貴乎先患防貴乎豫往者彼固嘗深入矣議者慮其

為吾內地害百計謀所以驅而出之者未得其便幸其自去耳遂無有一人議及之者萬一再來何以處置乎夫事之未來者雖未能逆料其有無計之萬全者不可不先為之擘畫臣愚過為之慮今日西北之邊祖宗以來所備禦之其固已詳盡惟此一處偶未之及非遺之也矣茅孽未萌也今則已暴著矣所以先事而豫為之防者茲其時乎自昔中國守邊者皆將卒守其內而拒戎虜于外茲地則虜反入吾之內而吾之所築者反在其外焉彼所以從入者必有其路所以屯聚者必有其所食用者必有其物皆一一推求其故于其所經行



之路者則預扼其衝要于所屯聚之處則先據其形勢者勿但幸其眼前之無事而必為後日之遠圖議者若謂置為城守則饋餉為難將至于漢人之勞費盍思赫連之建國元昊之列郡皆在此地何從得食乎宋史明言其地饒五穀尤宜種麥漢人于境外輪臺之地尚為之屯營况此乃在黃河之南次邊之地乎臣請下令朝議當此無事之秋虜人遠遁之際遣通古今識事体大臣躬莅其地詳察可否以聞倘以為可行或于河之南築城池以為之鎮遏或于河之北據要害以為之阨塞或沿河之壩設營堡以防其經渡事又出于萬全然後行之不然較其利害足以相當姑仍其舊可也



Blank columns for text on the right page.

范文正集

連花堡在鎮戎軍西南與德勝堡相連又定川砦諸葛亮城皆在鎮戎界嘗有蕃賊至此公遣張建俱往救應之

表武寨在涇州西賊寇邊公與都監張肇部領軍馬離邠州取長安路往涇州策應後又聞賊分軍回奔保安軍上面公又差巡檢宋良蕃部巡檢趙明部領蕃漢軍馬往長武扼隘

萬安鎮去保安軍八十里初延州有一將軍馬在保安軍駐劄費用糧艸供應不辦公乞將保安軍所駐軍馬



抽退于萬安鎮就食糧草却將萬安鎮一將軍馬抽退延州亦只八十里

馬鋪寨逼近後橋自豹寨每有賊馬出來公脩此若時兵馬不多只是據河西山坡時重下若不與追逐其若城十日內泥築井泥篩了當

木波寨在環州正當賊來大川路惟賴諸寨蕃部熟戶同共防扼公恐熟戶二心未可倚依遠保舉种世衝知環州以籠蕃部

定邊砦在環州公嘗令劉貼孫至此相度胡芦泉一帶寨接連鎮戎軍去處

明珠滅滅二族在環州之西鎮戎之東二族之北有胡芦泉公併兵于其地脩起城寨招撫二族

華池鳳川平戎三寨皆在慶州東平戎去延州德靜砦七十里華州池去德靜一百一十里鳳川去德靜一百

二十里公指揮慶州并諸寨並權住入中白米却告示客旅並令于東路延州接畧界平戎鎮添價入中米白

慶州路有美泥雷泥大拔城等處小砦公只差兵士百十人防扼如賊馬大段入寇便令歸側近大城寨內一

處防守所貴不致枉陷軍民人心稍安

薄家莊在哥嵐軍火山軍之間公以火山軍城中無水



兼地窄狹難守奏乞于中路薄家庄擇地共脩城寨  
東關城在苛嵐軍山寨外公以苛嵐城小將東關城築  
作大城檢計到土工五十二萬七千九百四十五工  
神堂堡銀城寨在麟南五十里公令經畧司相度與修  
令人戶耕種住坐續脩神樹寨并堡于府州于鞋斜谷端  
正平等要害處置大寨兩座又置堡子三座  
築築城在秦州田况嘗請脩築公奏乞依田况所奏早  
賜指揮

佛空平明珠等族所居公嘗令蔣偕燒蕩其地族帳  
金明城在延州公奏議近重修金明城且托得北面又

東北廢却承平南安長寧白草等寨後東西四百里更  
無藩籬可以禦寇侯金明城了方脩寃州以禦東北  
鳳川寨在慶州東城倚山坡直下臨注或有西賊圍閉  
矢石入城禦不下公牒李丕諒宋良同往鳳川相度得  
本寨東烽火臺山上四面牢固及山脚下有好水泉可  
以置寨令弓箭手兵士等夤夜具工山上只築女牆四  
面削崖近下低處築城圍入水泉續又牒本州通州范  
祥相度令新脩砦城分劈街巷修蓋軍營倉房州場解  
署及城上皆安置敵樓

唐龍鎮與契丹對岸在府州之北豐州之東其東南火



山軍對岸公奏乞招誘唐龍鎮七族人口  
故寬州在延州東北三程公言昨廢却承平塞門等砦  
惟此一處最為控扼蕃賊牒監修官相度一併下手修  
築後又奏乞以寬州城為青澗城

廊城縣在廊州南至同州河中府各四城北為廊州為  
程至延州五城公乞朝廷建廊城縣為軍以康定為名  
管廊城縣并于同州割一縣為之屬建倉廩營房所有  
同華河府苗稅于此送納後公又令知廊州李丕諒相  
度丕諒差劉龔礼將帶匠人往廊城修展城墻高一丈  
底濶四尺五寸西收一尺五寸蓋馬棚瓦舍三百間繫

得馬二百疋安下得兵士四千五百人兼修露園二十  
八箇計度到二萬九百九十五工

延州城在寬州東南四十里公嘗請于朝乞以延川縣  
為延川城云彼中人烟不少更有井泉勝于寬州城  
肅遠馬嶺定邊永和安塞等砦在環州界初諸寨城墻  
低下壕塹淺狹公牒環州郡廂兵軍士及和僱人夫脩  
築

細腰城公令蔣偕等所築公又勗會本城至環州定邊  
砦三十七里西至鎮戎軍乾兵寨六十里南至原州柳  
原鎮七十里量其地界遠近所脩城寨地土并側近蕃部



元屬環州兼本是環慶路虜盡修建兼細腰城東北板井川是西賊來路在細腰城定邊寨之間係屬環州地分緩急若有奔衝即須定邊若與細腰城互相救援就環州節制甚 奏乞朝廷撥屬環州

萬安寨在延州西北往保軍路中路舊無城若公差周美郭慶揚麟部領延州虜施西地人戶并廂軍脩築計度到六萬一千六百五十七工并脩築敵樓戰棚

豐林縣地在延州東二十五里就崖為城青化鎮在延州東六十里公差陳永罔部領臨真豐林兩縣人戶脩築計二萬六千三百五十二工

甘泉縣城在延州南北十里公差任世京部坊州丹州人夫修築計六萬五千三百四十五工

承平砦在延州東北二百里在青澗城西八十里把截得承平川大路寨北大里河約六十里自來蕃族在大里河北居住公嘗請復修此砦以遏蕃賊不使過河云初修之時則部署司那兵馬大為之備畢工之後只錯得二十人駐劄

南安寨在延州東北二百七十里在青澗城正北七十里北至綏州四十里去無定河二十里公嘗欲修之以其去水泉稍遠朱吉神世衝欲于青澗城北四十里商



館鋪南安寨中路創修一山寨

栲栳寨在延北州八十里嘗為賊所破公相度舊砦南

五里地名龍平口具置一寨把截安遠寨門龍口川賊

馬來路

胡家川寨在延州初胡繼諤尤修鷄子城公差殿直楊

麟興工麟州申稱計七萬四千工恐難了當公遂差推

官何涉與胡經諤相度于胡家川莊北面書按山上脩

築一砦計三面三千餘工下面川口是德靖砦保安軍

來路地勢委是要害只差本族熟戶人工官給日食并

差廂軍三百人往彼助工

三關城在延州公牒招討那撥諸州差到兵士五千人

兵脩

義運鋪在延州康定二年四月公差使臣趕殺西賊抵

此奪得人馬駱駝牛驪

牢山駟新店駟在麟州至延州一百六十里間嘗因朝

臣上言減廢公嘗與明鎬至此軍馬疲乏無支請草料

去處公言廊路最是屯兵去處日有軍馬及使命過往

遂牒延州修補二驛每有過往使命軍馬或遇時明直

到中路甘泉驛即支給一日口糧等物若遇雨雪及山

河水漲即于新店牢山止宿



葫芦泉在環州定邊若與鎮戎軍乾興寨相望八十之間為義渠朝那二郡之阻其南有明珠滅滅之族公嘗言能進兵據葫芦泉為城壘北斷賊路則二族自安宜無異志後竟于此地築城招復明珠滅滅二族永洛城在朝那之西秦遼之東公嘗奏言策應軍馬由儀隴二州十程始到如能進終永洛城斷西賊入秦庭之路其利甚大非徒通諸路之勢因以張三軍之威者也

卷終

郡國利病書卷六十四

崑崙山在衛治西北故臨羌縣境漢書地理志注云崑崙在臨羌西北有王母祠石室仙海鹽池西有弱水崑崙山祠唐長慶中劉元鼎使吐蕃云三山中高四下曰紫山古所謂崑崙魯曰悶摩黎山元潘昂霄黃河志云吐蕃朶甘思東北鄙有大雪山即崑崙自腹山至頂皆雪炎夏不消遠年成冰洪武間西平侯沐英征西將軍鄧愈追羗俱至此山非古所謂崑崙也自酒泉太守馬岌傳會立西王母祠故得其名見崑崙積石二山辨積石山去衛治東南三百里在龍支縣南境兩岸夾峙



多巨斧痕河出其中相傳即禹所導處恐非按張守節史記正義云河州有小積石山河出大崑崙經于闐入

小積石山

鹽澤潛行入吐谷渾界大積石山又東北流至

東吳俞安期崑崙積石二山辨云按范曄漢書志郡

國云臨羗有崑崙山班固漢書志地里其金城郡臨

羗縣下注云西北有西王母石室仙海鹽池西有弱

水崑崙山祠至唐而吐蕃自云崑崙山在其國中長

慶中劉元鼎使吐蕃稱三山中高四下曰紫山古所

謂崑崙虜曰悶摩黎山勝國潘昂霄黃河志云吐蕃

朶甘思東北鄙有大雪山即崑崙崙國朝洪武三年西

候沐英九年征西將軍鄧愈追羗人至此山咸云崑

崙此始于涼張駿時馬岌傳會獻諛之言也馬岌為

涼酒泉太守上言酒泉南山即崑崙崙周穆王見西王

母謂此宜立西王母祠以禪朝廷無疆之福駿從之

西王母既祠厥後范曄遂以崑崙載之臨羗而注班

固地理志者亦約曄言張大之約諸地志酒泉之南

山非臨羗之西北乎然禹本紀云河出崑崙崑崙甚

高三千五百餘里日月所相避隱為光明也其上有

醴泉華池去嵩高五萬里地之中也龍魚河圖云崑

崙山者天中柱也水經云崑崙墟在西此去嵩高五



萬里河水出其東北陬淮南子云高萬一千里有竒上有木禾珠樹沙棠琅玕在其東絳樹在其南碧樹在其北佛圖調西域志云阿耨達大山其上有大淵水即崑崙山康泰扶南傳云天竺恒水之源乃極西北出崑崙山穆天子傳云天子自崑崙山入于宗周乃里西土之數自宗周瀍水以西至于崑崙側瑤池上萬有一千一百里酈道元注水經按視數說參以山海經謂里至五殊非所詳究蓋攷之山海經而不悟崑崙有海內大荒之別也山海經之海內西經云海內崑崙之墟在西北帝之下都方八百里高萬仞百

神之所在河水出其東北隅禹所導積石山郭璞注云言海內明海外復有崑崙山又山海經之大荒西經云西海之南流沙之濱赤水之後黑水之前有大山名曰崑崙之丘其下有弱水之淵環之其外有炎火之山投物輒然有人戴勝虎齒有豹尾穴處名曰西王母是有二崑崙焉蓋穆天子所登山海經所謂海內之崑崙班固西域傳所載南北有大山中莫有河東西六千餘里南北千里東則接漢阨以玉門陽關西則限以葱嶺計其里至度其在所是介葱嶺于闐之間矣葱嶺以西為天竺國又西有大崑崙是



為天柱是為地中山海經所謂太荒中之崑崙西域志所謂河耨連大山禹本紀所謂去嵩高五萬里水經所謂河水出其東北陬屈從其東南流又南入葱嶺山者是已班固所謂河源一出葱嶺一出于源是其重源也張騫尋河源至于闐葱嶺以為河源而司馬遷遂有烏覩崑崙之論不信夫禹本記山海經之載又言九州山川尚書近之獨不覩尚書亦有織皮崑崙析支渠搜之紀乎又水經載河水由葱嶺迤西域十三國而注泐澤班固西域傳云河有葱嶺于闐兩源合而東注蒲昌海一名鹽澤即泐澤也去玉

門陽關三百餘里廣袤三百里其水冬夏不增減潛行地下南出積石山為中國河范曄云西域內屬諸國自玉門陽關西至葱嶺六千餘里其紀河源與固同去漢自壞煌西至鹽澤列起亭障戍已校尉屯于車師都護之府置于烏壘介西域之中督察動靜是葱嶺于闐之流入于蒲昌漢之官卒目所經見班固記之諒非繇邈計度之辭水經所載十三國鄴道元亦引固曄之書入證往、物合是非誕妄由漢以來彰、較著嗣後唐咸亨元年薛仁貴征吐蕃敗績大非川工年乃以河關靜邊鎮置積石軍久之遂訛河



關兩山夾峙河中出其中者為禹貢所導之積石矧  
又輔以馬岌西王母之祠范曄臨羗之紀崑崙既在  
河關之上益為積石明證乎水經云河水南至積石  
山下有石門河水冒以西南流鄰道元謂之重源東  
方朔十洲記云崑崙南接積石圃是崑崙之支輔與  
水經南至積石山之文合山海經云積石之山其下  
有石門河水冒以西南流萬物無不有郭璞注云山  
在金城河關縣西南羗中後漢書云段熲為護羗校  
尉追燒當羗且闔且行割肉餐雪四十餘日遂至河  
首積石山出塞二千里適置河源郡積石鎮命劉權

鎮之統遠化赤水二縣在古赤水城又在曼頭城西  
宇文述追破吐谷渾處所謂得地東西四十里南北  
二千里置郡縣鎮戍徙天下輕罪居之者也注云有  
積石山河水所出又有烏海貞觀中詔李靖侯君集  
等西征吐谷渾軍次鄯州始議所向後向于曼頭山  
窮出寨登漢罽山復戰于烏海破天柱部于赤海  
君集道中行空荒之地二千里迺次星宿川達栢海  
上望積石山觀河源自是以上曷嘗言積石在河南  
也唐置軍而更名積石備甚嘉稱猶之征吐谷渾近  
在青海而以君集等為積石道善善道赤水道且末



道蓋澤道也豈寔隸其地邪亦置河源軍于鄯城縣  
又非河源郡之故地可證也逮至開元中張守節作  
史記正義云河州有小積石山河源出大崑崙入蓋  
澤東南潛行入吐谷渾界大積石山又東北流至小  
積石山指河源所出者為大崑崙似以臨羗山為小崑  
崙山矣又以河關為小積石吐谷渾界者為大積石  
其名猶未盡溷也肅代之季吐蕃據有河湟華夷隔  
越既易五朝歷數十年邈無經載長慶中劉元鼎使  
吐蕃胡恠乎以河關為積石紫山為崑崙以積山冒  
出之流星宿川為河源也而杜佑之通典歐陽元之

廣記馬端臨之通考以至鄧展都寔潘昂霄輩不悟  
置軍名所繇由寢尋相延遂堅執元鼎之說極詆山  
海水經以及班固郭璞酈道元之傳嗚呼曲士拘儒  
經見不廣凡于知識未逮者輒為荒唐誠諺所謂少  
所見多所恠妄鼓筆札而令前人之與古蹟受誣干  
載直如長夜至于昂霄之志一行奉為指南而明洪  
武間按河間者建立禹廟祀在有司積石之訛蓋莫  
可辨崑崙之墟終古下移深可慨惜矣客有雜余者  
曰尚書崑崙析支羨次叙之在所相去似不應遙范  
擘稱金城之西南濱于析支則臨羗之有崑崙獨不



可以理推之而迺信不可知之載牒以置辨乎余曰  
云不然水經云河自朔方東轉迺渠搜北蓋渠搜在  
今榆林北析支渠搜亦差次叙之相去大遠又析支  
即河曲羗所居蓋都寔所稱九渡水是已又稱由九渡  
至崑崙行二十六日程河始行崑崙南經叙崑崙在  
析支之上又豈慮山在支下哉蒲昌之水潛出積石  
既有經証于漢而崑崙流入于葱嶺獨無是理乎矧  
尚書亦稱道流水東流為濟溢為榮東出于陶丘止  
流水亦既潛而復見尚書亦詭誕矣余賦黃河志陳  
群籍究其源委會通其故乃備列之以發千百年之

覆云

雪山西去衛治百餘里上有積雪四侯不消望之若銀  
屏相傳有蟲其形類蛆謂之雪蛆大可斤餘味極脆  
金山西去衛治六十里上有湫池遇旱禱之常雨隋煬  
帝征吐谷渾宴群臣其上後圖吐谷渾于覆表川命元  
壽南屯金山是也  
熱水山西南去衛治五百里山南出熱水流入青海山  
北出冷水即西寧河源古所謂湟水也  
拔延山在衛治西故化隆縣境隋煬帝征吐谷渾大獵  
此山長圍周亘二十里隋地理志云湟水即其地



君國和病書 卷之十四  
連雲山在衛治西吐谷渾界隋開皇間山響稱萬年者  
三詔頒郡國仍遣使醮于山所其日景雲浮于上雉兔  
馴壇側

大非山近青海吐谷渾嘗踰山入寇

都曼山在衛治西蔭孤吳仁以輕騎破吐谷渾處

庫山在衛治西唐任城王道宗破吐谷渾伏乞于此

駝山在衛治西按山海經云駝山去太華二千八百五

十七里是鎔于西海淒水出焉西流注于海則是山在

西海之東西為西寧境內之山也

戎峽山在衛治西湟水所經也

唐述山南去衛治二百八十里鄴道元云山甚靈秀山  
峯之上立石數百丈亭，桀豎競勢爭高遠望參，若  
攢圍之託霄上其下層岩峭舉壁岸無階懸岩之中多  
石室焉室中若有積卷名貨書岩世士解有津逮者每  
見神人往還彼羗目鬼為唐述因名其山指其堂密之  
居謂之唐述窟其懷道宗玄之士及 寇淨髮之徒亦  
往棲托焉

石城山西南去衛治二百八十里即石堡城崖壁峭立  
三面險絕惟一徑可上隋史萬歲石城山詩曰石城門  
峻誰開闢更鼓誤聞風落石是也



一阿刺石山東南去衛治一百八十里一名大山連延  
高大，河左繞西寧前捍也

金城山在衛治西九七十里俗名娘，山恐即隋煬帝  
宴群臣山也

覆表山在衛治西北臨永昌衛界隋煬帝征吐谷渾至  
此

車我真<sup>山</sup>在覆表山西煬帝征吐谷渾伏允遁去遣其王  
詐稱伏允保此山

上樓山在衛治北鄜道元水經注云上有土樓北倚山  
原峯高三百丈又若削成樓下有神祠彫墻故壁存焉

關駟十三州志曰回平亭北有土樓神祠今在亭東北  
五里湟水迤其南

駱駝山在衛治東北三十五里天順中宣城伯衛輔擊  
叛番巴沙部進此次山

元翔山北去衛治六十里上有五峯

霧山在衛治北三百里水經注云湛水東有南流至霧  
山以注浩亶山河

紅崖山東北去衛治八十里其土赤因名山半有石洞  
中有佛閣志稱紅崖峙其右是也

峽口山東去衛治三十里漢名湟陘鄜道元謂之漆峽



地極險阻為湟鄯往來咽喉也唐人嘗築省幸城控制要害

清江山在宋德固故砦北二十五里

承風嶺在衛治西寨外唐李元敬與吐蕃戰青海敗績

還走屯此黑齒當之率死士襲擊吐蕃處

赤嶺在衛治西臨吐蕃界開元中立分界碑

大非嶺在衛治西南薛仁貴征吐谷渾置重柵于此嶺

扁道嶺在牛心川

星嶺在長安谷隋煬帝征吐谷渾過此

虬毡嶺宋屬西寧州政和中置制羗砦

黃坂在長寧州晉西平太守曹祛遣翅晁拒張寔處

五里坂宋都護張嚴與金人戰死處

青龍峽苗履與金人戰死處

牛井堆在衛治西南李靖征吐谷渾敗其兵于此

鴈谷在故臨羗縣西漢護羗校尉鄧訓掩擊羗迷處唐

龍泉谷在衛西八里有龍泉疑即西川稱龍泉谷也唐

劉元昇使吐蕃踰湟水至龍泉谷謂哥舒翰故壁多在

湟水

蒙谷劉元昇使吐蕃出蒙谷抵龍泉則蒙谷在龍泉東也



湟谷在衛治西南段類率義從胡破羗處

丁令谷在宋清平故砦南崇寧中置隸積石軍

大九谷在黃河北燒當居處

保敦谷在衛治一百八十里宋王澹遣李賓踰南山入

保敦谷討蕩板羗崇寧三年築綏平堡于此

允吾谷在漢光吾故縣西

唐翼谷在元吾谷西漢馬伏波追破西羗處

和羅谷在故湟水縣西漢隴西太守遣李牧擊羗處

唐谷在湟水縣謂者張鴻長史曰颯擊燒當戰沒于此

三兜谷在衛治西北臨永昌衛境漢護羗校尉傅育戰

處

長寧谷在衛治西北今謂之北川隋煬帝征吐谷渾入

此

維都谷在故浩亶縣西漢馬武與羗人戰處

宗谷在大硤口西三十里宋王厚征谿賧羅撒右軍出

宗谷口即此

承流谷在碾伯城西鄯道元云會達扶東西二谿水又

期頓谿谷二水北注之吐那孫長門兩川南流注湟水

是至大硤口入湟也

丁洋谷屬古湟州境出金宋政和間金坑得鑛成金



琵琶碇在覆表川東隋大僕卿楊義臣屯兵于此圍吐谷渾

東西邨南臨黃河漢馬武破羗于此即邨川之東西侯

渠請置東西邨屯田五部列屯夾河是也

茗藿地名在衛治西北臨永昌衛境晉義熙中南涼以

北涼兵至此大掠五千餘戶而還

九曲在衛治西南唐天寶中哥舒翰収其地

西海西去衛治三百餘里水經注云西平二百五十里

者有訛字也世謂之青海闌駟所謂卑末羗海周數百

里北有鹽池有魚無鱗背負黑點海中有山至冬水合

遊牝馬其上得龍種日行千里稱青海驄王莽諷卑末

羗獻西海地置郡即此隋煬帝置馬牧于此求龍種

若拔海在尉遲川西

黃河南去衛治南二百八十里按水經河水迳西海郡

南又東北流入西平郡界迳黃河城南郡道元注云西

北去西平二百一十七里又東迳白去城南又東與湟

水合

湟水其源出西塞外流經衛治北東至溪允吾縣東入

黃河古湟中之名繇是水也今謂之西寧河通志及行

都司志疑蘇水連河者非也水經注云湟水迳龍夷城



西海皆在臨羗新縣西又東經式峽山即西塞外之石  
峽也自塞外以至迤西平城北咸無南注之水安得指  
衛北山陰之水為湟水也

浩疊水一曰閭門東去衛治二百五十里今謂之大通  
河舊志謂在衛城西二百里者非似按范曄地志云浩  
疊水東至允吾入湟水酈道元水經注云浩疊河出西  
北塞外迤敦湟酒泉張掖南迤西平解谷塞尉故城南  
又東迤養女山北又東迤浩疊縣故城東流注于湟水  
又東迤允吾縣北由此攷之大通河非浩疊乎大通河  
起于宋築大通城于河上亦猶宋改鄯州為西寧州遂

呼湟水為西寧河也

羗水出衛治西南迤臨羗故縣東北流入湟水

盧谿水出衛治西南盧川東北流注湟水

臨羗谿水發源故臨羗新縣西北迤其西北流入水湟

常谿在衛治東水注安義川

宜春水在衛治東北七十里水出宜春谿西南流至石  
硤堡南入湟河

勒且水其源出平戎東南勒且谿昔勒且羗種所居也  
北流至大硤口北入湟水按水經注云湟水有勒且之  
名即此號也闕駟云金城河與勒且河合是也



來谷水出碾伯東南山中

乞斤水出碾伯東南山中與來谷水合至石嘴兒關北入湟水

六合水在故羗縣東南北流入湟水

唐述水迳唐述山南注湟河

大谷水在澆河故城北

盧水按隋地理志在化隆縣境

宋水在衛治東一統志謂來自青海迳衛境入湟水南有宗谷口非矣

牛心川在衛治南舊志指為那孩川古麒麟河俗謂之

南川按鄜道元水經注云牛心川水出西南遠山中東

北流迳牛心川東又北迳西平亭西東北入湟水又迳

西平城北則南川為牛心川無疑矣

那孫川在衛治南五十里捏介朶峽西水流注牛心

長寧川在衛治西北按一統志謂伯頑川舊志謂車北

魯川一名幹爾朶川俗呼為北川皆此川也晉置長寧

縣于此鄜道元水經注云水出松山合養女川南入湟

水即隋煬帝所云長寧谷也隋煬帝紀云四月帝巡河

石至西平五月庚辰帝入長谷

養女川在衛治北水達養女川已注長寧川



景羊川西北去衛治五十里水東注長寧

晉昌川在長寧川西川水流注長寧川

伏湍川在石碣東北流注湟水

石柱川在伏湍川東北流注湟水

蠡劉在石柱川東北流注湟水

龍駒川水在衛治西南山下北流注湟水

殺胡川在衛治西唐劉元昇使吐蕃至龍泉谷西堂殺

胡川是也

大非川在孝傑米柵西臨吐谷渾界

民非川在西塞外

尉遲川在石堡城故振武軍西

白土川在白土城東

覆袁川在衛治西北臨甘州境隋煬帝西征困吐谷渾于此

廉川在衛治北界按楊紅云浩亶鎮北據廉川禿髮烏孤所都烏孤傳云嘗登廉川大川而泣即此以地考之即今之大通河古浩亶水烏孤所都廉川堡是在河北今莊浪衛境矣

沙棠川在衛治東北水經注謂之甘夷川永樂中置牧馬苑更名廣牧川



吐那孤川在衛治東湟水北

長門川在衛治東湟水北

安夷川東去衛治六十里

控象川合安夷川東入湟水

達扶谿按水經注東西二水參差北注東出水流谷南

注湟水是在大峽口地也

陽非川在碾伯東會流谿細谷三水至馬哈喇鋪東南入于湟水

破羗川在故破羗縣東左入湟水

宗歌川在古宗哥城北即湟水也至宗哥城遂名宗哥

川隨地異名耳

邈川在鄯州境喃斯羅所都宋建湟州於此

伏羅川未詳所在吐谷渾伏羅來居之

麒麟河在衛治南按晉書南涼王禿髮烏孤麒麟遊于

綏戎故名宋史地理志云綏戎城在西平郡鄯城縣

西一百里是非今之南川也

蘇木連河在衛治北山陰旧志疑為湟水非也

菊花河在大通城西六十里

乳駱河在臨宗砦東

湍谿在衛治西臨羗新縣故城西南又東北流入湟水



白鹽池在中海上今為海虜所據

拂鞞泉一名鷓鴣泉在衛西南古石堡城吐萬蕃以五萬騎入振武拂鞞泉鈔目鷓鴣還國者是也

五泉在衛北水經注云發四平亭北雁次相綴東北流至土樓南

廣利渠在衛治東宋何淮引邈川水溉湟開田千頃是已

西寧州故城元時築今半在城南額垣高峙尚有存焉安夷縣故城東去衛治七十里漢置是縣隸金城守章帝建初中拜度遼將軍吳棠領護羌校尉居安夷城又

為都護衛治今謂之平戎城按鄯道元水經注云湟水又東迳安夷故城有東西二門去而平東七十里是倚郭縣故城在衛治南四十里崇寧三年置即今之南川伏羌城地也

鄯城縣故城在衛治西今之西川鎮海堡地儀鳳三年置按唐地理志云有河源軍西六十里有臨蕃城唐地理志云有二樓山非此地耶

長寧縣故城在衛治北四十里晉地理志云西平郡有長寧縣今之北川是其地也

樂都城東去衛治一百三十里今謂之碾伯城鄯道元



云湟水迤樂都城南是已南涼禿髮傳檀都此今碾伯城西十里有二城若連環約三里未詳所置破羌縣故城東去衛治一百七十里漢宣帝神爵二年置城南門闕駟十三州志云湟水在破羌縣南門東過是已隋改為湟水縣即今之老鴉城地也

龍支縣故城東去衛治二七十里一曰龍耆漢拜曹鳳為西部都尉治之鄯道元湟水又東南迤小晉具城北故都尉治又闕駟曰允吾縣西四十里有小晉具城是在今之古鄯地矣唐上元中吐蕃攻沒鄯州以龍支城屬河州故與河州近也宋地理志云南至廓州分水嶺

四十里按唐書霍去病逐諸羌故及渡湟築今居塞或云龍居塞疑亦此也及考水經注云閭水出允吾縣北今居縣西北塞外南流迤今居臨故城西又南迤水登亭西歷黑石谷南流注鄭伯津是今居又在湟水北而今之莊浪衛境矣姑備列之

允吾縣故城東去衛治三百一十里在今古鄯東四十里按地里志謂湟水至允吾入河乃今競稱允吾為莊浪衛境耳漢允吾是在湟水南也按鄯道元云湟水又東迤允吾縣北為鄭伯津則允吾在湟水南是為西寧



地界無疑闕駟曰允吾西四十里有小晉興城小晉興城為今之古鄯地計其里至與夫形勢是在今之下川是也

浩亶縣故城東北去衛治三百里在宋大通城西北漢置縣王莽更名興武

大通城在衛治東北舊名達南控扼夏境宋崇寧中收復涅鄯乃築塞拒守水曰大通古浩亶水西寧後距也又有三角城元築以控要害垣址尚存

湟河郡故城在衛治西南前涼張駿分洮河郡地為湟河郡

晉興郡在衛治西南小晉興城南晉永寧中分西平郡界置郡統左南等縣

廓州故城在衛治西南二百二十里小積石山本洮河郡宋少帝景平中拜吐谷渾河射為洮河郡公即此水經注云洮河郡有二城東西角倚隋因之為洮河郡宋為寧塞城後廢今為吐族所居

西海郡故城在臨羌新縣故城西三百里王莽遣使諷卑末羗猷地內屬奏置西海郡是也

龍夷城故先零地闕駟十三州志曰城在臨羌新縣西三百里王莽置西海郡治此城魏郭淮興羗治無戴戰



于城北

湟中城故自小月支地十三州志曰西平張掖之間有小月氏國

鮮谷塞尉故城在衛治西北臨甘州界鄯道元所謂浩亶水東南迆西平之鮮谷塞是也

赤城鄯道元云湟水迆赤城北

護羌城故護羌校尉治在臨羌縣故城西南漢帝建初二年以武威太守傳育為護羌校尉移居臨羌即是城也

臨羌縣故城在衛治西塞外王莽更曰監羌漢武帝元

狩元年封孫都為侯國謂之綏戎城非也

臨羌新縣故城闕駟曰臨羌新縣在郡西百八十里湟水迆其南城有東西二門西北隅有子城

龍駒城在衛治西南今之西川地鎮海堡東

宣威城在倚郭縣北五十里宋高永安年戰死處

臨蕃城在衛治西哨廝羅置通青海高昌儲國

寧西城在倚郭縣西四十里

廣威縣故城屬廊州本化隆縣唐先天中曰化成天寶元年更是名

達化縣故城在積石軍東晉置屬澆河郡



米川縣故城在衛治南二百里正厚云沿河西至廓川  
六十里唐貞觀中置後改米州

省章故城在小峽口宋築之以控制要害

積石軍故城在衛治南二百三十里本漢金城郡河關  
縣地唐咸亨中置軍隸隴右節度府後沒吐蕃宋收復  
置溪哥城元符中為溪已溫所據大觀中臧征撲哥以  
城降即其地置積石軍

寧塞軍故城在積石西唐為寧遠軍

宛秀城在積石西八十里唐天寶中哥舒翰置宛秀軍  
以寔河曲是也

虜公城在廓州城北二十里去衛治西南二百里舊名  
結羅城宋崇寧中收復改是名

來賓城在虜公城東一百三里屬樂州

石堡城在衛治西南二百八十里唐開元十七年吐蕃  
陷此城苗兵據之侵擾河右命信安王禕與河西隴右  
同議公討諸將咸以右軍險遠難攻禕不聽引兵深入  
急攻破之命曰振武軍二十九年復為吐蕃所陷董延  
光攻之不克八年哥舒翰復拔之置神武軍

德通城本轄今古城宋政和中劉法解振武軍圍此築

歷龍城在石堡城西唐天寶中哥舒翰築置神威軍



石骨龍城在右堡城宋政和中取河經畧劉法大破夏人于此後賜名振武城

石城南近黃河晉段擊羗于石城拔河墜坑而死者八百餘人即于此也

左南縣故城南臨黃河在石城西一百四十里晉惠帝永寧中置前涼張瑁徙在南緣河而截趙麻秋軍也

皇縣故城南近黃河在唐述山晉永寧中置水經云河水又東逕臨津城北自土城南十三州志云在南津西六十里有白土城在大河北而為緣河濟渡處魏涼州刺史郭淮破羗遮塞于白土即此處矣

邯川城南臨黃河在白土城西漢建元初以牛邯為護羗校尉故川有邯名

黃河城在衛治東南水經云河水又東北逕黃河城南酈道元注云西北去西平二百一十七里前涼張駿分澆河郡地為湟河郡疑即此城而水經黃字訛之耳歷攷載牒無黃河郡縣之名也

逢留河城南臨黃河永元五年貫友代聶尚為護羗校尉攻迷唐斬獲八百餘級收其熟麥數萬斛于逢留河上築城以盛麥作大船于河峽作橋

河源軍故城唐置在故鄯城縣西南去衛治一百二十



里一云趙充國停侯地

白水軍故城在鄯城縣西六十里唐開元中郭知運張懷亮置

綏戎故城在鄯城縣西一百二十里南涼時麒麟遊于綏戎即此

定戎城在綏戎城西南六十里

綏和守捉故城在衛治西南二百五十里

今州守捉故城在衛治南一百八十里

安人軍故城一曰安仁在衛治西南

威戎軍故城在衛治西北三百五十里唐開元杜希望

叔吐蕃置

樹敦城賀真城二城為吐谷渾巢穴元魏恭帝三年涼州刺史寧破吐谷渾南山與夷厥木杆分道拔之

曼頭城赤水城隋大業中裴矩擊吐谷渾拔二城

同波堡在膚公城南一十五里

同波北堡在廓州西半里

安川堡在涅州西南八十里

寧川堡在安川堡南四十里

善治堡在通濟橋北

大同堡本古骨龍城接應堡宋政和八年賜名



石門堡在德通城北舊名石門子宋政和中賜名  
順迥堡在積石軍故城東八十里

峽口堡在故湟州界王厚收復

南宗堡在臨宗砦北一十五里

通湟砦在故湟州東三十里

瓦吹砦在來賓城東北界一十七里

安龍砦在故湟州西南四十五里

德固砦在綏遠關西界二十里

臨宗砦在宗谷南去故湟州分界一十一里

綏邊砦在衛治東北舊名宗谷是也

寧塞砦在廓州城東一十七里南至黃河一十五里

懷和砦在膚公城西五十三里

保寨砦在衛治南保敦谷

清平砦在保敦谷西三十里在故倚郭縣南五十里黃

沙戍在達化縣東

綏遠關舊名洒金平在湟州西即今之大峽口也

浩疊隘在衛治東北故浩疊縣境漢光武建武中先零

諸羗數萬拒浩疊隘馬武與馬援擊破之即是處也

虎堂西去衛治五里有臺几層高九丈八尺相傳南涼

王所築秃髮渾檀子名虎臺或是其所築也或曰將臺



亦傳南涼所築

王孝傑米柵在尉遲川西

風伯古祠在北川鄯道元云在長寧亭南山上春秋祭之

西平亭魏黃初中立西平郡憑倚故亭增築南西北三城以為郡治

長寧亭在養女嶺南鄯道元云去西平亭西北四十里十三州志曰六十里遠矣晉建長寧縣于此

邯亭在邯州城南近黃河

羅亭在積石山北後漢段熲破羌處

開元分界碑在赤嶺西唐開元中許吐谷渾互市信安王禕張守珪定對封界于赤嶺之西  
洪濟渠在積石山西一百八十里金天軍唐哥舒翰拔洪濟城長慶中刘元昇使吐蕃由洪濟梁南行尋河源是也

通濟橋在湟河上即振武城浮橋

西寧衛城古湟中地西漢為金城郡西平亭魏晉為西平郡元魏隋為鄯州大業初復為西平唐為鄯州西平郡都督府沒吐蕃號青唐城宋復建鄯州崇寧中改西寧州元因之在明洪武十九年命長吳侯耿秉文兼陝



中諸衛寧士葉之基割元西寧州故城之半周圍九里一百八十步三尺

碾伯城東去衛治一百三十里即南涼樂都城故地唐為湟州宋唵廝囉稱邈川城元苻中改湟州陞饗德軍節度治宣和中改樂州明洪武十九年置嘉順馬驛又置右千戶所嘉靖三十三年增置守備萬曆十二年間改置遊擊府城高四丈下厚二丈五尺廣袤三百三十一十八步

古鄯城東去衛二百七十里西漢為龍支縣故地為西部都尉治晉為卜晉兵城明洪武十九年置古鄯馬驛

萬曆十二年置守備

鎮海城西去衛治四十里唐鄯城縣故城地明萬曆二十一年置遊擊府

巴州城在碾伯東北八十里明洪武十九年置巴州馬驛嘉靖元年置防守營

平戎城東去衛治七十里漢安夷縣故地明洪武十九年置平戎城馬驛嘉靖元年置防守營

老鴉城東去衛治一百七十里漢破羌縣故城地隋改為湟水縣明洪武十九年置馬驛嘉靖元年置防守官

水溝城東北去衛治二百一十里明洪武十九年置水



溝驛嘉靖中置防守官

鐵廠在北山五十里萬曆二十四年都御史由樂徵兵  
備按察使劉敏寬募鐵師採鑛燒鐵後時不給久廢塞  
焉

卷終



